



Bosnia and Herzegovina  
Federation of Bosnia and Herzegovina

**CANTON SARAJEVO**  
**Government**

Broj: 02-05-41784-17/19  
Sarajevo, 28.11.2019. godine

Na osnovu člana 26. i 28. stav (4) Zakona o Vladi Kantona Sarajevo ("Službene novine Kantona Sarajevo", broj: 36/14 – Novi Prečišćeni tekst i 37/14 – Ispravka) i člana 158. stav (2) i (4) Zakona o radu ("Službene novine Federacije Bosne i Hercegovine", broj: 26/16 i 89/18), Vlada Kantona Sarajevo na **49.** sjednici održanoj **28.11.2019.** godine, donijela je sljedeći

**Z A K L J U Č A K**

1. Utvrđuje se Nacrt zakona o Ekonomsko – socijalnom vijeću za područje Kantona Sarajevo.
2. Predlaže se Skupštini Kantona Sarajevo da u skladu sa članom 137., 140. i 141. Poslovnika Skupštine Kantona Sarajevo ("Službene novine Kantona Sarajevo", broj: 41/12 - Drugi novi prečišćeni tekst, 15/13, 47/13, 47/15 i 48/16), pretrese Nacrt zakona iz tačke 1. ovog Zaključka, te po završenom pretresu isti utvrdi i uputi u javnu raspravu.

**P R E M I J E R**

**Edin Forto**

Dostaviti:

1. Predsjedavajući Skupštine Kantona Sarajevo
2. Zamjenica predsjedavajućeg Skupštine Kantona Sarajevo, gđa. Danijela Kristić
3. Skupština Kantona Sarajevo
4. Premijer Kantona Sarajevo
5. Ministarstvo za rad, socijalnu politiku, raseljena lica i izbjeglice Kantona Sarajevo
6. Za objavu u "Službenim novinama Kantona Sarajevo"
7. Evidencija
8. Arhiva



web: <http://vlada.ks.gov.ba>  
e-mail: [vlada@vlada.ks.gov.ba](mailto:vlada@vlada.ks.gov.ba)  
Tel: + 387(0)33 562-068, 562-070  
Fax: + 387(0)33 562-211  
Sarajevo, Reisa Džemaludina Čauševića 1





Na osnovu čl. 12. i 18. stav (1) tačka (b) Ustava Kantona Sarajevo („Službene novine Kantona Sarajevo“ br. 1/96, 2/96-Ispravka, 3/96-Ispravka, 16/97, 14/00, 4/01, 28/04, 6/13 i 31/17) i člana 158. st. (2) i (4) Zakona o radu Federacije Bosne i Hercegovine („Službene novine Federacije BiH, br. 26/16 i 89/18) Skupština Kantona Sarajevo, na sjednici održanoj dana \_\_\_\_\_ 2019. godine, d o n o s I

Nacrt

## ZAKON O EKONOMSKO - SOCIJALNOM VIJEĆU ZA PODRUČJE KANTONA SARAJEVO

### I UVODNE ODREDBE

#### Član 1. (Predmet)

Ovim zakonom utvrđuju se principi djelovanja, djelokrug rada, nadležnost, sastav, unutrašnja organizacija i način odlučivanja Ekonomsko-socijalnog vijeća, kao najvišeg institucionalnog oblika za vođenje tripartitnog socijalnog dijaloga, na području Kantona Sarajevo, kao i druga pitanja značajna za rad Ekonomsko-socijalnog vijeća (u daljem tekstu: Vijeće).

#### Član 2. (Socijalni partneri)

- (1) Vijeće je nezavisno tijelo koje čine socijalni partneri:
  - a) predstavnici Vlade Kantona Sarajevo (u daljem tekstu: Vlada),
  - b) predstavnici reprezentativnih udruženja poslodavaca na području Kantona Sarajevo (u daljem tekstu: poslodavci) i
  - c) predstavnici reprezentativnih sindikata registrovanih na području Kantona Sarajevo (u daljem tekstu: sindikati).
- (2) Svaki socijalni partner u Vijeće predlaže svoje predstavnike za članove Vijeća.

#### Član 3. (Sjedište)

Sjedište Vijeća je u Sarajevu.

### II PRINCIPI DJELOVANJA

#### Član 4. (Principi djelovanja)

Vijeće svoje djelovanje zasniva na principima:

- a) vođenja ekonomsko-socijalnog dijaloga kao sistema rješavanja odnosa između socijalnih partnera u cilju postizanje ravnoteže između tržišne ekonomije i socijalne pravde;
- b) poštivanja nezavisnosti i autonomije socijalnih partnera u njihovom radu i organiziranju;
- c) obezbjeđivanja slobodnog i blagovremenog pristupa informacijama i dokumentaciji značajnoj za pitanja o kojima odlučuje Vijeće;

d) poštivanja i provođenja odluka i zaključaka Vijeća.

### **III DJELOKRUG RADA I NADLEŽNOST**

#### **Član 5. (Djelokrug rada)**

Vijeće kao najviše institucionalno tripartitno tijelo na teritoriji Kantona Sarajevo djeluje radi provođenja zajedničkih aktivnosti socijalnih partnera u oblasti ekonomske, socijalne i razvojne politike, afirmacije i zaštite ekonomskih i socijalnih prava, odnosno interesa radnika i poslodavaca, razvijanja sistema kolektivnog pregovaranja i zaključivanja i primjene kolektivnih ugovora.

#### **Član 6. (Nadležnost)**

Vijeće ima sljedeće nadležnosti:

- a) prati, razmatra i ocjenjuje uticaj ekonomske i socijalne politike na cijelokupni razvoj i socijalnu stabilnost;
- b) razmatra i podstiče zaključivanje i ocjenjuje primjenu kolektivnih ugovora donesenih na nivou Kantona Sarajevo;
- c) podstiče mirno rješavanje kolektivnih radnih sporova;
- d) analizira usklađenost politike cijena i plaća;
- e) podstiče ideju tripartitnog, bipartitnog i drugih oblika ekonomsko-socijalnog dijaloga na svim nivoima u rješavanju ekonomskih i socijalnih pitanja i problema;
- f) prati, razmatra i predlaže eventualne promjene zakona od uticaja na ekonomski i socijalni razvoj i u tom kontekstu položaj radnika i poslodavaca;
- g) razmatra nacrte propisa i drugih akata iz djelokruga svog rada i svoja mišljenja dostavlja nadležnim institucijama;
- h) prati primjenu propisa iz oblasti rada, zapošljavanja i socijalne sigurnosti i predlaže mјere nadležnim institucijama za potpunije ostvarivanje i unapređenje prava;
- i) analizira proces privatizacije i pokreće inicijativu prema nadležnim institucijama za eventualne izmjene zakonskih i podzakonskih akata u cilju poboljšanja zaposlenosti;
- j) prati stanje na području zapošljavanja, penzijsko-invalidskog i zdravstvenog osiguranja u kontekstu smanjenja neformalnog tržišta radne snage;
- k) podstiče aktivnosti na većoj efikasnosti nadležnih institucija sistema na sprječavanju korupcije;
- l) prati, razmatra, analizira i druge teme za koje Vijeće procijeni da su od interesa za Kanton Sarajevo.

#### **Član 7. (Program rada)**

- (1) Vijeće donosi godišnji program rada koji se prioritetno temelji na godišnjem programu rada Vlade.
- (2) Program rada iz stava (1) ovog člana predlaže predsjednik Vijeća, nakon konsultacija sa Kolegijem Vijeća.
- (3) Svaki socijalni partner ima pravo predložiti problematiku koja će biti sastavni dio godišnjeg programa rada u okviru nadležnosti Vijeća.
- (4) Vijeće informativno podnosi godišnji izvještaj o radu socijalnim partnerima.

**Član 8.**  
**(Poslovnik o radu)**

Vijeće donosi Poslovnik o radu kojim uređuje pitanja od značaja za rad Vijeća.

**IV SASTAV EKONOMSKO-SOCIJALNOG VIJEĆA**

**Član 9.**  
**(Sastav Vijeća)**

- (1) Vijeće čini 15 članova:
  - a) pet predstavnika Vlade,
  - b) pet predstavnika poslodavaca i
  - c) pet predstavnika sindikata.
- (2) Svaki član ima svog zamjenika, koji ga u slučaju odsutnosti zamjenjuje na sjednicama Vijeća.

**Član 10.**  
**(Imenovanje i razrješenje članova)**

- (1) Svaki od socijalnih partnera svojim rješenjem imenuje i razrješava svoje predstavnike – članove Vijeća odnosno zamjenike članova Vijeća.
- (2) Socijalni partner je dužan o imenovanju člana obavijestiti Kolegij Vijeća.

**Član 11.**  
**(Prava i dužnosti)**

- (1) Član Vijeća, a u odsutnosti njegov zamjenik, ima pravo i dužnost da:
  - a) prisustvuje sjednicama Vijeća;
  - b) učestvuje u raspravljanju i odlučivanju o svim pitanjima o kojima se raspravlja i odlučuje na sjednicama Vijeća;
  - c) predloži utvrđivanje stava Vijeća o određenom pitanju;
  - d) učestvuje u konsultacijama o određenim pitanjima od značaja za rad Vijeća;
  - e) glasa o pitanjima koja su predmet rasprave i odlučivanja na sjednici Vijeća;
  - f) predloži održavanje tematske sjednice Vijeća;
  - g) aktivno učestvuje u radu komisije koju obrazuje Vijeće;
  - h) bude redovito i blagovremeno obaviješten o svim pitanjima i problemima iz nadležnosti rada Vijeća.
- (2) O prisutnosti na sjednicama članova Vijeća, odnosno zamjenika članova Vijeća vodi se evidencija.

**Član 12.**  
**(Kolegij)**

- (1) Vijeće ima predsjednika i dva potpredsjednika koji čine Kolegij Vijeća.
- (2) Svaki socijalni partner predlaže, a Vijeće konsenzusom donosi odluku o imenovanju predsjednika i dva potpredsjednika Vijeća.
- (3) Funkciju predsjednika i potpredsjednika naizmjenično vrše predstavnici Vlade, poslodavaca i sindikata na period od 16 mjeseci.

- (4) Rad Kolegija se utvrđuje Poslovnikom o radu Vijeća.
- (5) Predsjednik Vijeća:
- a) predstavlja Vijeće;
  - b) saziva sjednice i utvrđuje prijedlog dnevnog reda za sjednice uz konsultaciju sa potpredsjednicima;
  - c) nadzire izvršavanje odluka i zaključaka Vijeća;
  - d) obavlja i druge dužnosti u skladu sa Poslovnikom o radu Vijeća.
- (6) Potpredsjednici pomažu predsjedniku u vršenju poslova radi efikasnog i propisnog obavljanja rada Vijeća.
- (7) Jedan od potpredsjednika, a kojeg odredi predsjednik Vijeća u skladu sa Poslovnikom o radu Vijeća, zamjenjuje predsjednika tokom njegovog odsustva.

**Član 13.**  
**(Mandat članova)**

Članovi Vijeća i njihovi zamjenici se imenuju na četiri godine.

**Član 14.**  
**(Prestanak članstva)**

- (1) Članu Vijeća prestaje članstvo:
- a) smrću;
  - b) nakon isteka perioda na koji je imenovan;
  - c) kada je pravosnažno osuđen za krivično djelo za koje zakon predviđa kaznu zatvora u trajanju od najmanje tri mjeseca, te u tom slučaju članstvo automatski prestaje pravosnažnošću osuđujuće presude;
  - d) razrješnjem.
- (2) Član Vijeća ima pravo da podnese ostavku socijalnom partneru koji ga je imenovao, a odluku o razrješenju donosi socijalni partner koji je izvršio imenovanje.
- (3) Socijalni partner može razriješiti člana kojeg je imenovao, te imenovati novog člana a kojem mandat traje do isteka mandata saziva Vijeća.
- (4) Socijalni partner je dužan o razrješenju člana obavijestiti Kolegij Vijeća.

**Član 15.**  
**(Mandat predsjednika i potpredsjednika)**

- (1) Mandat predsjednika ili potpredsjednika Vijeća je četiri godine, sa mogućnošću ponovnog izbora.
- (2) Mandat može prestati i prije isteka roka od četiri godine, ostavkom ili razrješenjem od strane socijalnog partnera koji je predložio kandidata.
- (3) U slučaju ostavke predsjednika ili potpredsjednika Vijeća, odluku o razrješenju donosi Vijeće.
- (4) Podnošenjem ostavke na funkciju predsjednika ili potpredsjednika Vijeća ne prestaje mandat imenovanim kao članovima Vijeća. U slučaju podnošenja ostavke mandat ističe na dan kada Vijeće razriješi lice sa dužnosti predsjednika ili potpredsjednika Vijeća.
- (5) U slučaju da mandat predsjedniku ili potpredsjedniku Vijeća prestaje zbog razrješenja od strane socijalnog partnera, Vijeće će primiti na znanje razrješenje i za predsjednika ili potpredsjednika Vijeća imenovati kandidata kojeg predloži socijalni partner u zavisnosti koju funkciju obnaša.

- (6) U slučaju isteka mandata predsjedniku ili potpredsjedniku Vijeća, isti nastavljaju obavljati dužnost u funkciji vršioca dužnosti do novog imenovanja, ali ne duže od šest mjeseci.

**Član 16.**  
**(Sredstva za rad)**

- (1) Stručne, organizacijske, tehničke i materijalne uvjete za rad Vijeća obezbjeduje Vlada u budžetu, sa pozicije Ministarstva za rad, socijalnu politiku, raseljena lica i izbjeglice Kantona Sarajevo (u daljem tekstu: Ministarstvo).
- (2) Vijeće donosi plan utroška budžeta.
- (3) Članovi Vijeća, zamjenici, sekretar i tehnički sekretar imaju pravo na naknadu za rad.
- (4) Naknada iz stava (3) ovog člana se utvrđuje u skladu sa raspoloživim finansijskim sredstvima i rješenjem ministra za rad, socijalnu politiku, raseljena lica i izbjeglice Kantona Sarajevo (u daljem tekstu: ministar).

**V UNUTRAŠNJA ORGANIZACIJA**

**Član 17.**  
**(Stručni i administrativni poslovi)**

- (1) Stručni i administrativni poslovi za rad Vijeća obavljaju se u Ministarstvu.
- (2) Stručne poslove u Vijeću obavlja sekretar Vijeća, a administrativne poslove tehnički sekretar, pod nadzorom predsjednika i potpredsjednika Vijeća.
- (3) Vrste stručnih i administrativnih poslova se propisuju Poslovnikom o radu Vijeća.
- (4) Sekretara Vijeća i tehničkog sekretara imenuje ministar na period od četiri godine.
- (5) Sekretar ima pravo da prisustvuje svim sjednicama Vijeća kao učesnik bez prava glasa i iznese svoje mišljenje o svim tačkama dnevnog reda.
- (6) Dužnosti i prava sekretara i tehničkog sekretara se propisuju Poslovnikom o radu Vijeća.

**Član 18.**  
**(Lica koja obavljaju stručne i administrativne poslove)**

- (1) Stručne poslove iz nadležnosti Vijeća obavlja lice sa stečenom diplomom visokog obrazovanja ili druge obrazovne ili akademske kvalifikacije najmanje VII stepen stručne spreme, odnosno visoko obrazovanje prvog ciklusa Bolonjskog sistema studiranja koji se vrednuje sa 240 ECTS studijskih bodova ili drugog ili trećeg ciklusa Bolonjskog sistema studiranja, pravne ili upravne struke.
- (2) Administrativne poslove iz nadležnosti Vijeća obavlja lice koje ima najmanje srednju stručnu spremu.

**Član 19.**  
**(Stalna i privremena radna tijela)**

- (1) Vijeće može da obrazuje stalna i privremena radna tijela za razmatranje i predlaganje stavova po pojedinim oblastima, a naročito za:
- politiku plaća i kolektivnih ugovora;
  - porezni sistem, zapošljavanje i socijalnu politiku;
  - privatizaciju;
  - zakonodavstvo, provođenje propisa i ostvarivanje prava iz oblasti rada i zapošljavanja;
  - javne djelatnosti;

- f) medukantonalnu, međuentitetsku i međunarodnu saradnju;
  - g) politiku stranih ulaganja;
  - h) podsticaj izvoza;
  - i) standardizaciju;
  - j) energetsku politiku;
  - k) transport i komunikaciju.
- (2) Mišljenja koja daju radna tijela o određenim pitanjima obavezno se prezentiraju Vijeću prilikom razmatranja tih pitanja na Vijeću.
- (3) Radna tijela obavezno jednom godišnje ili po završetku rada zbog kojeg su formirana, podnose izvještaj o svom radu Vijeću.
- (4) Odlukom o formiranju radnih tijela utvrđuje se djelokrug i način njihovog rada.

## VI NAČIN ODLUČIVANJA EKONOMSKO-SOCIJALNOG VIJEĆA

### Član 20. (Mišljenje Vijeća)

- (1) Vijeće će na osnovu usvojenog Programa rada Vlade dostaviti Vladi pregled propisa na koje je potrebno dati mišljenje.
- (2) Predlagač je dužan da Vijeću dostavi prednacrt, odnosno nacrt zakona i podzakonskih akata iz njihove nadležnosti i bez traženja Vijeća, a u okviru konsultacija sa zainteresovanom javnošću i okviru javne rasprave.
- (3) Vijeće može u roku od deset dana od dana prijema dostavljenog materijala dostaviti mišljenje Vijeća i/ili izdvojeno mišljenje socijalnog partnera predlagaču.
- (4) Predlagač je dužan da obavijesti Vijeće o zauzetim stavovima povodom mišljenja Vijeća i to u roku od 30 dana od dana kada Vijeće dostavi svoje mišljenje.
- (5) Vlada ili Skupština Kantona Sarajevo može razmatrati materijale iz stava (2) ovog člana i bez mišljenja Vijeća ako isto nisu dobili u roku od deset dana od dana dostavljanja materijala Vijeću.

### Član 21. (Kvorum)

Vijeće može zasjedati i odlučivati ako je sjednici Vijeća prisutno devet članova, uz uslov da su najmanje prisutna po tri predstavnika svakog socijalnog partnera.

### Član 22. (Akti koje donosi Vijeće)

Vijeće donosi odluke, rješenja i zaključke kao pojedinačne akte.

### Član 23. (Glasanje)

- (1) Svi predstavnici jednog socijalnog partnera imaju u Vijeću jedan zajednički glas.
- (2) Odluke se donose konsenzusom svih socijalnih partnera.
- (3) Glasanje je javno.
- (4) Socijalni socijalni partner ima mogućnost i pravo da izrazi svoje vlastito mišljenje o zaključcima i odlukama Vijeća.

- (5) Izdvojeno mišljenje socijalnog partnera znači da prijedlog materijala, odluka ili zaključaka nema podršku Vijeća.

## VII SJEDNICE

### Član 24. (Sjednice)

- (1) Vijeće radi i odlučuje na sjednici.  
(2) Vijeće održava svoje redovne sjednice u pravilu jednom mjesечно, a najmanje jednom u 60 dana.  
(3) Predsjednik Vijeća dužan je sazvati sjednicu na zahtjev jednog od socijalnih partnera.

### Član 25. (Sazivanje sjednica)

- (1) Sjednice Vijeća saziva predsjednik Vijeća nakon što Kolegij utvrđi dnevni red sjednice.  
(2) Sjednice Kolegija i Vijeća predsjednik saziva na vlastitu inicijativu ili na osnovu zaključka Kolegija ili na zahtjev jednog od socijalnih partnera.  
(3) Predsjednik Vijeća saziva sjednicu Vijeća pisanim ili elektronskim putem i utvrđuje prijedlog dnevnog reda.  
(4) U slučaju odsutnosti ili spriječenosti predsjednika Vijeća, sjednice Vijeća saziva jedan od potpredsjednika Vijeća, a kojeg odredi predsjednik Vijeća.  
(5) O sazivanju sjednica Vijeća, članove Vijeća obavještava tehnički sekretar, a informaciju o sazivanju sjednice objavljuje i na zvaničnoj web stranici Vijeća.  
(6) Pozivi za sjednicu Vijeća sa odgovarajućim materijalima dostavljaju se članovima Vijeća, sekretaru Vijeća, nadležnoj službi za odnose s javnošću Vlade, najmanje sedam dana prije održavanja sjednice Vijeća.  
(7) Poziv za sjednicu Vijeća sadrži vrijeme i mjesto održavanja sjednice, prijedlog dnevnog reda, predloženi materijali odnosno obavještenje o tome koji se materijali dostavljaju uz poziv, a koji će biti dostavljeni naknadno, kao i druga obavještenja od značaja za održavanje sjednice.  
(8) Predsjednik Vijeća pozvati će na sjednicu Vijeća predstavnika predлагаča materijala, kao i druga lica čije prisustvo može biti korisno za raspravu o određenom materijalu, ali bez prava glasa.

### Član 26. (Tematska sjednica)

- (1) Vijeće po potrebi može održati tematsku sjednicu Vijeća.  
(2) Predlagač materijala za tematsku sjednicu Vijeća može biti član Vijeća, nadležni organ socijalnog partnera, kantonalno ministarstvo ili druga institucija u Kantonu Sarajevo.

### Član 27. (Vanredna sjednica)

- (1) Izuzetno, u slučaju nastanka vanrednih okolnosti, predsjednik Vijeća može, na osnovu vlastite procjene ili na zahtjev jednog od socijalnih partnera sazvati vanrednu sjednicu Vijeća u roku koji je kraći od sedam dana, a dnevni red se predlaže na sjednici.

- (2) Predsjednik Vijeća može u hitnim i opravdanim slučajevima odlučiti da se sjednica Vijeća održi elektronskim ili telefonskim putem, s tim da se glasanje vrši putem telefona (porukom) ili elektronskom poštom.
- (3) U slučaju održavanja sjednica Vijeća na način predviđen u stavu (2) ovog člana, poziv za sjednicu sa prijedlogom dnevnog reda i materijalima se pored obavještavanja putem telefona, dostavljaju i elektronskom poštom.

**Član 28.**  
**(Predsjedavanje sjednicom)**

- (1) Sjednicom Vijeća predsjedava predsjednik Vijeća.
- (2) Izuzetno, u slučajevima odsutnosti ili spriječenosti predsjednika Vijeća, sjednicom predsjedava potpredsjednik Vijeća kojeg ovlasti predsjednik Vijeća.

**Član 29.**  
**(Učestvovanje lica i organizacija koji nisu zastupljeni u Vijeću)**

- (1) U radu Vijeća mogu učestvovati stručnjaci iz različitih oblasti i predstavnici nevladinog sektora.
- (2) Vijeće može za potrebe svoga rada angažirati različite institucije i stručne organizacije.
- (3) Na svoje sjednice, zavisno od pitanja koja se razmatraju, Vijeće može pozivati stručnjake iz tih oblasti, predstavnike sindikata i poslodavaca koji nisu zastupljeni u Vijeću.

**Član 30.**  
**(Javnost rada)**

- (1) Rad Vijeća je javan.
- (2) Vijeće izvještava javnost o svom radu, donesenim odlukama, zaključcima i zauzetim stavovima, kao i mišljenjima o značajnim pitanjima.
- (3) Izvještavanje javnosti o radu Vijeća vrši nadležna služba za odnose s javnošću Vlade i to putem saopštenja za javnost ili na drugi odgovarajući način.

**Član 31.**  
**(Razmatranje materijala)**

Materijale koje razmatra na sjednici, Vijeće može:

- a) dati pozitivno ili negativno mišljenje na načrt ili prijedlog propisa (zakona, odnosno prijedloga odluke ili drugog propisa koji donosi Vlada ili Skupština Kantona Sarajevo);
- b) primiti na znanje analizu ili informaciju i utvrditi odgovarajući zaključak;
- c) vratiti predlagaču materijal radi usaglašavanja u skladu sa zaključcima Vijeća.

**Član 32.**  
**(Pečat)**

- (1) Vijeće ima dva pečata, jedan prečnika 50 mm (veliki pečat) i drugi 30 mm (mali pečat) kojim se potvrđuje autentičnost akata koje donosi Vijeće.
- (2) O čuvanju i upotrebni pečata stara se tehnički sekretar Vijeća.
- (3) Pečat Vijeća ima oblik kruga sa tri koncentrična kruga, od čega je u prvom koncentričnom krugu napisan tekst "Bosna i Hercegovina – Federacija Bosne i Hercegovine", drugom krugu je

velikim slovima ispisani tekst "KANTON SARAJEVO", dok je u trećem krugu ispisani tekst "Ekonomsko-socijalno Vijeće za područje Kantona Sarajevo".

(4) Nazivi iz stava (3) ovog člana ispisuju se naizmjenično latinicom i cirilicom.

## VIII PRELAZNE I ZAVRŠNE ODREDBE

### Član 33.

**(Mandat ranije imenovanih članova)**

Članovi Vijeća imenovani prije stupanja na snagu ovog zakona, ostaju na svojim funkcijama do isteka mandata.

### Član 34.

**(Imenovanje sekretara i tehničkog sekretara)**

Ministar će imenovati sekretara i tehničkog sekretara u roku od 30 dana po stupanju na snagu ovog zakona.

### Član 35.

**(Rok za donošenje Poslovnika o radu)**

Vijeće će donijeti Poslovnik o radu iz člana 8. ovog zakona u roku od 15 dana od dana imenovanja sekretara.

### Član 36.

**(Gramatička terminologija)**

Gramatička terminologija u muškom rodu koja je korištena u ovom zakonu podrazumijeva oba spola.

### Član 37.

**(Stupanje na snagu)**

Ovaj zakon stupa na snagu osmog dana od dana objavljivanja u "Službenim novinama Kantona Sarajevo".

Broj:  
Sarajevo,

**PREDSJEDAVAJUĆI  
SKUPŠTINE KANTONA SARAJEVO**

**Elmedin Konaković**



# O B R A Z L O Ž E N J E

## I PRAVNI OSNOV ZA DONOŠENJE ZAKONA

Pravni osnov za donošenje ovog zakona sadržan je:

- članu 12. Ustava Kantona Sarajevo („Službene novine Kantona Sarajevo“ br. 1/96, 2/96-Ispravka, 3/96-Ispravka, 16/97, 14/00, 4/01, 28/04, 6/13 i 31/17) kojim je propisano da Kanton ima sve nadležnosti koje nisu izričito povjerene Federalnoj vlasti ili koje ne spadaju u vlastite nadležnosti jedinica lokalne samouprave, a posebno je nadležan za: uspostavljanje i nadziranje policijskih snaga, utvrđivanje obrazovne politike, uključujući donošenje propisa o obrazovanju i osiguranje obrazovanja, utvrđivanje i provođenje kulturne politike, utvrđivanje stambene politike, uključujući i donošenje propisa koji se tiču uređivanja i izgradnje stambenih objekata, utvrđivanje politike koja se tiče reguliranja i osiguravanja javnih službi, donošenje propisa o korištenju lokalnog zemljišta, uključujući i zaniranje, donošenje propisa o unaprijedivanju lokalnog poslovanja i dobrovornih aktivnosti, donošenje propisa o lokalnim postrojenjima za proizvodnju energije i osiguranje njihove dostupnosti, utvrđivanje politike u vezi sa osiguranjem radia i televizije, uključujući donošenje propisa o osiguranju njihovog rada i izgradnji, provođenje socijalne politike i uspostava službi socijalne zaštite, stvaranje i primjena politike turizma i razvoja turističkih resursa, stvaranje prepostavki za optimalni razvoj privrede koja odgovara urbanoj sredini, finansiranje djelatnosti kantonalnih vlasti ili kantonalnih agencija oporezivanjem, zaduživanjem ili drugim sredstvima;

- članu 18. stav (1) tačka b) Ustava Kantona Sarajevo („Službene novine Kantona Sarajevo“ br. 1/96, 2/96-Ispravka, 3/96-Ispravka, 16/97, 14/00, 4/01, 28/04, 6/13 i 31/17) kojim je propisano da Skupština Kantona donosi zakone i druge propise u okviru izvršavanja nadležnosti Kantona, izuzev propisa koji su ovim Ustavom ili zakonom dati u nadležnost Vlade Kantona;

- članu 158. st. (2) i (4) Zakona o radu Federacije Bosne i Hercegovine („Službene novine Federacije BiH, br. 26/16 i 89/18) kojim je propisano da Ekonomsko-socijalno vijeće se može osnovati za teritoriju Federacije, odnosno za područje kantona i da se Ekonomsko-socijalno vijeće osniva sporazumom socijalnih partnera, a posebnim zakonom uređuje se sastav, nadležnost, ovlaštenja i druga pitanja od značaja za rad ovog vijeća.

## II. RAZLOZI ZA DONOŠENJE ZAKONA

Zakon o radu Federacije BiH („Službene novine Federacije BiH“, broj: 26/16 i 89/18) u članu 158. u stavu 2. definira da se Ekonomsko-socijalno vijeće može osnovati za teritoriju Federacije, odnosno kantona. U istom članu, u stavu 4. Zakon propisuje da se Ekonomsko-socijalno vijeće osniva sporazumom socijalnih partnera, a posebnim zakonom uređuje se sastav, nadležnost, ovlaštenja i druga pitanja od značaja za rad Vijeća.

Ekonomsko-socijalno vijeće za područje Kantona Sarajevo osnovano je 2006. godine potpisivanjem Sporazuma o osnivanju Ekonomsko-socijalnog vijeća za područje Kantona Sarajevo. Međutim, i pored zakonom propisane obaveze nikada nije donešen poseban zakon.

Obzirom na značaj Ekonomsko-socijalnog vijeća, kao najvišeg institucionalnog oblika za vođenje tripartitnog socijalnog dijaloga u Kantonu Sarajevo neophodno je taj dijalog institucionalizirati na način da se doneše Zakon kojim će se urediti sva pitanja od značaja za Ekonomsko-socijalno vijeće.

Obzirom na navedeno pristupilo se donošenju gore navedenog zakona.

### **III. PRIJEDLOG PRAVNIH RJEŠENJA**

**Članom 1.** je propisan predmet zakona, odnosno šta se uređuje navedenim zakonom, u smislu principa djelovanja, sastava, načina odlučivanja, djelokruga rada, nadležnosti i drugih pitanja od značaja za rad Vijeća.

**Članom 2.** su propisani socijalni partneri koji čine Vijeće.

**Članom 3.** propisano je sjedište Vijeća.

**Članom 4.** propisani su principi djelovanja Vijeća.

**Članom 5.** propisan je djelokrug rada Vijeća.

**Članom 6.** propisana je nadležnost Vijeća.

**Članom 7.** propisan je program rada koji donosi Vijeće.

**Članom 8.** propisano je donošenje Poslovnika o radu.

**Članom 9.** propisan je sastav Vijeća.

**Članom 10.** propisano je imenovanje i razrješenje članova Vijeća.

**Članom 11.** propisana su prava i dužnosti članova Vijeća.

**Članom 12.** propisano je da Vijeće ima predsjednika i dva potpredsjednika koji čine Kolegij, način njihovog izbora, vršenje funkcije i nadležnosti.

**Članom 13.** propisano je trajanje mandata članova Vijeća.

**Članom 14.** je propisan prestanak članstva u Vijeću.

**Članom 15.** je propisan mandat predsjednika i potpredsjednika Vijeća.

**Članom 16.** su propisana sredstva za rad Vijeća.

**Članom 17.** su propisani stručni i administrativni poslovi u Vijeću, kao i lica koja obavljaju navedene poslove.

**Članom 18.** su propisani uslovi za lica koja obavljaju stručne i administrativne poslove.

**Članom 19.** propisano je da Vijeće može da obrazuje stalna i privremena radna tijela za razmatranje i predlaganje stavova po pojedinim oblastima.

**Članom 20.** propisana su prava i obaveze, a u vezi mišljenja koja daje Vijeće na propise.

**Članom 21.** je propisan kvorum za rad Vijeća.

**Članom 22.** su propisani akti koje donosi Vijeće.

**Članom 23.** je propisan način glasanja u Vijeću.

**Članom 24.** propisan je rad Vijeća na sjednicama, kao i rok za njihovo održavanje.

**Članom 25.** propisan je način sazivanja sjednica.

**Članom 26.** propisana je mogućnost održavanja tematske sjednice Vijeća.

**Članom 27.** propisana je mogućnost održavanje vanredne sjednice Vijeća.

**Članom 28.** propisano je predsjedavanje sjednicom.

**Članom 29.** propisano je da u radu Vijeća mogu učestvovati lica i organizacije koji nisu zastupljeni u Vijeću.

**Članom 30.** propisana je javnost rada Vijeća.

**Članom 31.** su propisane mogućnosti Vijeća u vezi sa materijalima koje razmatra na sjednici.

**Članom 32.** je propisano da Vijeće ima pečat, izgled pečata, i ko se stara o istom.

**Članom 33.** propisano je da članovi Vijeća koji su imenovani prije stupanja na snagu ovog zakona ostaju na svojim funkcijama do isteka mandata.

**Članom 34.** propisan je rok za imenovanje sekretara i tehničkog sekretara Vijeća.

**Članom 35.** propisan je rok za donošenje Poslovnika o radu Vijeća.

**Članom 36.** propisan je način korištenja gramatičke terminologije.

**Članom 37.** propisano je stupanje na snagu ovog zakona.

#### **IV. PRIJEDLOZI U OKVIRU KONSULTACIJA SA ZAINTERESOVANOM JAVNOŠĆU**

U periodu trajanja konsultacija sa zainteresovanom javnošću zaprimljeno je nekoliko prijedloga u vezi izmjena i dopuna pojedinih članova Zakona.

**Samostalni sindikat kantonalnih državnih službenika i namještenika je u svom mišljenju na nacrt Zakona predložio sljedeće:**

- “Član 1. Zakona o Ekonomsko-socijalnom vijeću za područje Kantona Sarajevo treba da glasi;

”Ovim zakonom uređuje se sastav, nadležnost, ovlaštenja i druga pitanja od značaja za rad Ekonomsko-socijalnog vijeća osnovanog za područje Kantona Sarajevo.”

Ovaj prijedlog je djelimično uvažen i brisano je iz člana 1. da se ovim Zakonom utvrđuje i ”osnivanje”, jer se ne može Zakonom o Ekonomsko-socijalnom vijeću za područje Kantona Sarajevo osnovati Ekonomsko-socijalno vijeće shodno odredbama Zakona o radu (“Službene novine Federacije BiH”, br. 26/16 i 89/18), već se samo Zakonom uređuju pitanja od značaja za rad ovog Vijeća. Ranije odredbe ”principi djelovanja”, ”djelokrug rada”, ”unutrašnja organizacija” i ”način odlučivanja” nisu brisane jer iste predstavljaju pitanja od značaja za rad Vijeća, a shodno Zakonom o radu.

- “Čl. 2. i 3. - Treba brisati jer nisu u skladu sa Zakonom o radu i pravnim okvirom za donošenje

ovog zakona. Ova pitanja regulišu se Sporazumom, a ne zakonom kantona.”

Ovaj prijedlog nije uvažen jer su navedeni članovi u skladu sa Zakonom o radu i pravnim okvirom za donošenje ovog zakona. Članovima 2. i 3. je utvrđeno da je Vijeće nezavisno tijelo i ko su socijalni partneri koji čine Vijeće, te samo sjedište Vijeća, Sve navedeno je od značaja za rad Vijeća te je shodno tome u skladu sa Zakonom o radu.

- “Član 5. -rječi ”osniva se“ zamijeniti riječima ”osnovano“, jer je Ekonomsko-socijalno vijeće

već osnovano Sporazumom, ali se taj sporazum eventualno treba obnoviti s obzirom na nove socijalne partnere, među kojima je i Samostalni sindikat kantonalnih državnih službenika i namještenika u Kantonu Sarajevo, kao reprezentativni sindikat koji treba da participira u ovom vijeću.”

Ovaj prijedlog nije uvažen, jer su riječi ”osniva se“ zamijenjene sa riječi ”djeluje“ jer je Vijeće već osnovano ranije, te se ne osniva ovim Zakonom.

- “IV DJELOKRUG RADA i član 6. - Trebalo bi naziv poglavљa uskladiti sa stavom (4) člana 158. Zakona o radu, nadležnost i ovlaštenja , a ne djelokrug rada.”

Prijedlog nije uvažen jer je sve navedeno u skladu sa Zakonom o radu koji propisuje da zakon o ekonomsko-socijalnom vijeću uređuje sva druga pitanja od značaja za rad Vijeća.

- “Član 12. st. (2) I (3)- su u koliziji, treba se opredijeliti da li članovi vijeća između sebe biraju

predsjednika i dva potpredsjednika ili na prijedlog socijalnog partnera imenuju predsjednika i potpredsjednika iz reda članova Vijeća.

Stav (4) - nije jasno šta znači naizmjenično i u kojim periodima, da li se smjenjuju u jednom mandatu ili u više mandata.

U stavu (5) - nije jasno da li su to, pored predsjednika i potpredsjednika Vijeća dodatni članovi kolegija Vijeća koje socijalni partneri imenuju."

Prijedlog nije uvažen jer se članom 12. propisalo da Vijeće ima predsjednika i dva potpredsjednika koji čine Kolegij, da svaki socijalni partner predlaže a Vijeće konsenzusom donosi odluku o imenovanju predsjednika i dva potpredsjednika.

Također, nije uvažen prijedlog za riječ "naizmjenično", jer je dodano u tom stavu, a koji je sada stav (3) "na period od 16 mjeseci", te je time odredba jasna. Stav (5) je brisan.

- "Član 14.stav (1) tačka c) - predlažemo kriterij iz Zakona o radu - najmanje tri mjeseca , a ne

šest mjeseci kazne zatvora na koju je pravosnažno osuđen.

Stav (4) - iza riječi: "o razrješenju člana" dodati riječi: "i menovanju novog člana Vijeća"."

Ovaj prijedlog je uvažen u vezi sa stavom (1) tačka c), a isti nije uvažen u vezi sa stavom (4) jer je navedeno propisano članom 10. Zakona.

- Član 20. stav (3), a kako smatra Samostalni sindikat kantonalnih državnih službenika i namještenika treba da glasi: "Vlada ili Skupština Kantona Sarajevo ne mogu razmatrati te materijale bez mišljenja Vijeća."

Član 20. je naknadno u potpunosti izmijenjen, te je tim izmijenjenim pravnim rješenjem propisan rok u kojem Vijeće može dostaviti mišljenje, dužnost predlagачa da obavijesti Vijeće o zauzetim stavovima povodom mišljenja, kao i mogućnost razmatranja materijala ako Vijeće ne dostavi mišljenje u propisanom roku.

- "Član 21.stav (1) - prebaciti u poglavlje VI SJEDNICE, a riječ "Kvorum čini" zamijeniti riječima: "Vijeće može zasjedati i donositi odluke ako je sjednici Vijeća prisutno najmanje"."

Prijedlog je uvažen u vezi riječi "Kvorum", a isti je ostao u poglavljju "NAČIN ODLUČIVANJA EKONOMSKO-SOCIJALNOG VIJEĆA" jer se navedeno tiče samog odlučivanja i zasjedanja.

- "Član 22. - Treba propisati kada se koji akt donosi (npr. odlukom odlučuje o prihvatanju ostavke i razrješenju predsjednika i potpredsjednika Vijeća, rješenjem o imenovanju predsjednika i potpredsjednika Vijeća, mišljenje-?, zaključak-?)"

Prijedlog nije uvažen jer se ne može propisati za koje sve slučajeve se donose određeni akti.

- "Član 24.stav (3)- Propisano je da je predsjednik Vijeća dužan sazvati sjednicu na zahtjev jednog od socijalnih partnera. Nije jasno da li se pod tim podrazumijeva socijalni partner (npr.Vlada) ili član /članovi (i koliko njih) Vijeća iz reda jednog socijalnog partnera. Isto se odnosi na član 25.stav (2)."

Prijedlog nije uvažen jer je precizno propisano "na zahtjev jednog od socijalnih partnera".

- "Član 26.stav (2) "- Ispred riječi "institucija" dodati riječi; "kantonalno ministarstvo ili druga"

Prijedlog je uvažen.

- "Član 29.stav (l) - pojam "stalni savjetnici" nije primjerjen, jer nije zakonom propisano ko su

i kako se biraju/imenuju stalni savjetnici, odnosno ko im je taj status odredio.

Prijedlog je uvažen.

- “Čl. 30. do 32. - su poslovničke odredbe i nije im mjesto u Zakonu.”

Prijedlog je uvažen, te su navedene odredbe brisane.

- “Član 34. tačka a) - Treba propisati da u slučaju negativnog mišljenja, ono mora biti obrazloženo, a potrebno je i predvidjeti mogućnost da Vijeće daje primjedbe, prijedloge ili sugestije na pojedine odredbe ili predložena rješenja, što treba biti obrazloženo, jer će tada Vijeće biti u mogućnosti da doprinese donošenju kvalitetnijih rješenja (propisa). Tačka b) je li dovoljno primiti na znanje ili iznijeti i svoj stav?”

Ovaj prijedlog nije uvažen jer je procedura za davanje mišljenja propisana članom 20.

- “Član 35.- Smatramo da je ovaj član predmet sporazuma iz člana 158.stav (4) Zakona o radu,

kojim se osniva Vijeće, a ne ovog zakona.”

Prijedlog nije uvažen jer se član ne nalazi u sporazumu.

**Udruženje poslodavaca Kantona Sarajevo je dostavilo sljedeće prijedloge u okviru konsultacija sa zainteresovanom javnošću:**

- “Član 3., prije stava 1. dodaju se stavovi 1. 2 i 3. a stav 1. postaje stav 4.

(1) ESV ima svojstvo pravnog lica. (2) Registracija ESV-a vrši se kod kantonalnog ministarstva nadležnog za poslove rada. (3) Troškove za rad ESV-a obezbjeđuje Vlada kantona.”

Prijedlog nije uvažen jer ovo Vijeća ne može imati svojstvo pravnog lica. Sredstva za rad Vijeća su propisana članom 16. Zakona.

- “Član 12. - Mislimo da nije dobro rješenje na mandat od 4 godine za predsjedavajućeg.

Prijedlog je na period od 16 mjeseci ukoliko se rotiraju...

Navedeni prijedlog je uvažen na sjednici Kolegija Ekonomsko-socijalnog vijeća.

- Udruženje poslodavaca Kantona Sarajevo je u članu 17. predložilo da se propiše djelovanje Sekretarijata kao posebnog organa za administrativne i organizacione poslove.

Ovaj prijedlog nije uvažen jer bi zahtijevao veliko povećanje troškova Vijeća.

- “U članu 20. stav 3. brisati. Iza člana 20. dodaju se novi članovi koji glase:

Član 21.

Dostavljanje mišljenja ministarstvu

Zajedničko mišljenje ESV-a i/ili izdvojeno mišljenje socijalnog partnera dostavlja se nadležnom ministarstvu koje je pripremilo zakon, odnosno drugi propis.

Ministarstvo iz stava 1. ovog člana dužno je da najkasnije u roku od 30 (trideset) dana od dana dostavljanja mišljenja, obavijesti ESV o stavovima ministarstva zauzetim povodom mišljenja ESV-a.

Član 22.

Dostavljanje mišljenja Vladii i Skupštini KS

Ukoliko nadležno ministarstvo i ESV ne postignu saglasnost u vezi sa mišljenjem na pojedini propis, ESV svoje mišljenje i/ili izdvojeno mišljenje socijalnog partnera može dostaviti Vladii.

Vlada je dužna da najkasnije u roku od 30 dana od dana dostavljanja mišljenja iz predhodnog stava, obavijesti ESV o svojim stavovima zauzetim povodom mišljenja.

Ako Vlada ne prihvati mišljenje ili ga samo djelimično prihvati, ESV može svoje mišljenje dostaviti Skupštini Kantona Sarajevo.

#### Član 24.

##### Dostavljanje izdvojenog mišljenja Skupštini KS

Ekonomsko-socijalni partner koji je imao izdvojeno mišljenje, a čije mišljenje nije prihvaćeno od strane ministarstva, odnosno Vlade, ima pravo da svoje mišljenje dostavi u pismenoj formi Skupštini Kantona, te da svoje mišljenje obrazloži na komisijama i sjednicama Skupštine kantona.”

Ovaj prijedlog nije uvažen, jer bi se vrijeme potrebno za donošenje propisa značajno produžilo, a na sjednici Kolegija Vijeća je sa predstavnicima socijalnih partnera usaglašen novi član 20. koji se tiče mišljenja Vijeća.

**Kantonalni odbor Saveza samostalnih sindikata Kantona Sarajevo je dostavio sljedeće prijedloge:**

- “U članu 7. Radnog teksta je potrebno dodati i stav (5), koji će nalagati da se godišnji izvještaj

o radu ESV-a dostavlja, kako Vladi, tako i predstavnicima sindikata i poslodavaca.”

Prijedlog je uvažen.

- “U članu 12. Radnog teksta predviđeno je da se predsjednik i potpredsjednici biraju na mandat

od 4 godine, bez predviđenog načina rotiranja na poziciju predsjednika, kako je to trenutno u praksi. Odredba člana 12. Radnog teksta kako trenutno stoji podrazumijeva da član Vijeća koji bude izabran na funkciju predsjednika/potpredsjednika, obnaša tu funkciju 4 godine, bez rotiranja.”

Prijedlog je uvažen, te je usaglašena na Kolegiju Vijeća odredba koja predviđa naizmjenično vršenje funkcija na period od 16 mjeseci.

- “U članu 15. stav 2. Radnog teksta predlažemo da se, kao razlozi za prestanak mandata predsjednika i potpredsjednika prije isteka roka od 4 godine, uvrste i razlozi za prestanak članstva iz člana 14, tj. smrt i krivično djelo sa predviđenom kaznom zatvora do 6 mjeseci.”

Prijedlog nije uvažen jer je već ranije definisano kako prestaje članstvo u Vijeću, te shodno tome isto se odnosi i na predsjednika i potpredsjednika koji su članovi Vijeća.

- “U prelaznim i završnim odredbama dodati novi član 40. koji glasi "Vijeće će u roku do 60 dana od dana stupanja na snagu ovog zakona uskladiti svoju organizaciju sa odredbama ovog zakona." Ovim će sadašnji član 40. postati član 41.”

Prijedlog nije uvažen, jer Vijeće ima organizaciju koja je već usklađena sa ovim zakonom.

#### V. FINANSIJSKA SREDSTVA

Za provođenje ovog zakona obezbijedena su finansijska sredstva u Budžetu Kantona Sarajevo, na poziciji Ministarstva za rad, socijalnu politiku, raseljena lica i izbjeglice Kantona Sarajevo.

Bosna i Hercegovina  
Federacija Bosne i Hercegovine  
**KANTON SARAJEVO**  
Ministarstvo finansija



Босна и Херцеговина  
Федерација Босне и Херцеговине  
**КАНТОН САРАЈЕВО**  
Министарство финансија

Bosnia and Herzegovina  
Federation of Bosnia and Herzegovina  
**CANTON SARAJEVO**  
Ministry of Finance

Broj: 08-03-14-~~56342~~ /19 A.Z.  
Sarajevo, 14.11.2019. godine

**MINISTARSTVO ZA RAD, SOCIJALNU POLITIKU,  
RASELJENA LICA I IZBJEGLICE  
KANTONA SARAJEVO**

Predmet: Mišljenje na Nacrt zakona o ekonomsko-socijalnom vijeću za područje Kantona Sarajevo  
Veza: Vaš dopis, broj: 13-04/1-02-36342-3/19 od 11.11.2019. godine

Vezano za Vaš zahtjev za mišljenje na Nacrt zakona o ekonomsko-socijalnom vijeću za područje Kantona Sarajevo, u skladu sa članom 8 Pravilnika o proceduri za izradu izjave o fiskalnoj procjeni zakona, drugih propisa i akata planiranja na budžet („Službene novine Federacije BiH“, br. 34/16 i 15/18), dajemo sljedeće mišljenje:

Ministarstvo za rad, socijalnu politiku, raseljena lica i izbjeglice je postupilo u skladu sa navedenim Pravilnikom i Ministarstvu finansija uz Nacrt zakona dostavilo na mišljenje popunjeno i potpisano obrazac IFP-NE u kojem je data sljedeća izjava: „Provodenje Zakona o ekonomsko-socijalnom vijeću za područje Kantona Sarajevo, nema i neće rezultirati fiskalnim učinkom.“.

Obzirom da za provodenje Nacrta zakona nisu potrebna dodatna sredstva iz Budžeta Kantona Sarajevo, na navedeni Nacrt zakona o ekonomsko-socijalnom vijeću za područje Kantona Sarajevo, Ministarstvo finansija, sa aspektom fiskalnog učinka na budžet, nema primedbi.

Dostaviti:

- Naslovu
2. MF – Sektor za budžet i fiskalni sistem
3. a/a

Pripremili: Alma Zildžić, mr. oe  
· Adin Šendro, mr. oe  
Kontrolisala: Amina Močević, n



web: <http://mf.ks.gov.ba>  
e-mail: [mf@mf.ks.gov.ba](mailto:mf@mf.ks.gov.ba)  
Tel: + 387 (0) 33 565-005, Cent.+ 387 (0) 33 565-000  
Fax: + 387 (0) 33 565-052 i 565-048  
Sarajevo, Maršala Tita 62







Bosnia and Herzegovina  
Federation of Bosnia and Herzegovina  
**CANTON SARAJEVO**  
**Ministry of Justice and Administration**

Broj: 03-04-02-40042/19  
Sarajevo, 13.11.2019. godine

**MINISTARSTVO ZA RAD, SOCIJALNU POLITIKU,  
RASELJENA LICA I IZBJEGLICE**  
**gosp. Malik Garibija, ministar**

**PREDMET: Nacrt Zakona o Ekonomsko-socijalnom vijeću za područje  
Kantona Sarajevo, mišljenje –**  
**VEZA: Vaš akt, broj: 13-01/2-02-36342-1/19 od 07.11.2019. godine**


Postupajući po vašem aktu, broj i datum gornji, a u skladu sa odredbama člana 7. Zakona o organizaciji i djelokrugu organa uprave i upravnih organizacija Kantona Sarajevo ("Službene novine Kantona Sarajevo", broj 2/12-Precišćeni tekst i br. 41/12 i 8/15) i člana 4. stav 2. Uredbe o postupku i načinu pripremanja, izrade i dostavljanja propisa („Službene novine Kantona Sarajevo“, broj 50/17-Drugi novi precišćeni tekst i 2/18-Ispravka), Ministarstvo pravde i uprave razmotrilo je nacrt ovog zakona i daje slijedeće

### **M I Š L J E N J E**

Nacrt Zakona o Ekonomsko-socijalnom vijeću za područje Kantona Sarajevo je propis kojim se ne povređuju prava zaštićena odredbama Evropske konvencije o zaštiti ljudskih prava i osnovnih sloboda kao ni sa drugim pravnim aktima kojima je utvrđena zaštita ljudskih prava.

S poštovanjem,

Dostaviti:  
1. Naslovu;  
2. a/a.



web: <http://mpu.ks.gov.ba>  
e-mail: [mpu@mpu.ks.gov.ba](mailto:mpu@mpu.ks.gov.ba)  
Tel: + 387 (0) 33 562-083,  
Fax: + 387 (0) 33 562-241  
Sarajevo, Reisa Džemaludina Čauševića 1







Bosnia and Herzegovina  
Federation of Bosnia and Herzegovina

CANTON SARAJEVO  
Office for legislature of Sarajevo

Broj: 09-02-40044/19  
Sarajevo, 12.11.2019. godine

KANTON SARAJEVO  
MINISTARSTVO ZA RAD, SOCIJALNU POLITIKU, RASELJENA LICA I IZBJEGLICE

**PREDMET: Stručno mišljenje na nacrt Zakona o Ekonomsko-socijalnom vijeću za područje Kantona Sarajevo.-**

Na osnovu člana 2. Uredbe o Uredu za zakonodavstvo Vlade Kantona Sarajevo ("Službene novine Kantona Sarajevo", broj: 7/06-Prečišćeni tekst) i člana 4. Uredbe o postupku i načinu pripremanja, izrade i dostavljanja propisa ("Službene novine Kantona Sarajevo", broj: 50/17- Drugi novi prečišćeni tekst i 2/18- Ispravka), Ured za zakonodavstvo Vlade Kantona Sarajevo, daje slijedeće

**M I Š L J E N J E**

1. Pravni osnov za donošenje Zakona o Ekonomsko-socijalnom vijeću za područje Kantona Sarajevo (u daljem tekstu: Zakon) sadržan je u pozitivno-pravnim propisima koji su navedeni u preambuli/uvodnom dijelu teksta nacrta Zakona, kao i obrazloženju predmetnog materijala.

Ured za zakonodavstvo Vlade Kantona Sarajevo nema primjedbi na dostavljeni tekst nacrtia Zakona, po pitanju njegove usklađenosti sa odredbama ustava i drugih pozitivno-pravnih propisa koji regulišu predmetnu oblast.

Nacrt Zakona može poslužiti kao dobra polazna osnova za pripremu što kvalitetnijeg prijedloga ovog propisa.

2. Primjedbe normativno-tehničke prirode na dostavljeni tekst nacrta Zakona:

2.1. pravilno pisati naziv propisa i to kako slijedi:

"**ZAKON**

**O EKONOMSKO-SOCIJALNOM VIJEĆU ZA PODRUČJE KANTONA SARAJEVO";**



2.2. u članu 1. u tekstu navedenom u zagradi na kraju člana potrebno je izbrisati interpunkcijske znake navoda, a ista primjedba se odnosi i na član 2. stav (1) u tač. a), b) i c);

2.3. u članu 7. na kraju stava (2) iza riječi: "Kolegijem" dodati riječ: "Vijeća";

2.4. u članu 14. stav (1) tačka a) brisati riječ: "člana", a ista primjedba se odnosi i na tačku b);

2.5. u članu 15. u stavu (5) pravilno pisati riječ: "zavisnosti";

2.6. u članu 16. u stavu (4) iza riječi : "ministra" brisati riječ: "Ministarstva" te dodati riječi "za rad, socijalnu politiku, raseljena lica i izbjeglice Kantona Sarajevo (u daljem tekstu: "ministar")";

2.7. u članu 17. u stavu (4) brisati riječ: "Ministarstva";

2.8. u članu 31. brisati oznaku stava "(1)", jer član sadrži samo jedan stav;

2.9. u članu 35. umjesto riječi: "akt" pisati riječi: "Poslovnik o radu";

2.10. u obrazloženju predmetnog materijala potrebno je otkloniti štamparske greške (u prvoj rečenici na str.1 brisati pomoći glagol "je", na str. 2 u dijelu opisa sadržaja člana 1. umjesto riječi: "propisani" pisati: "propisan", u obrazloženju člana 17. iza riječi: "obavljaju navedene" dodati riječ: "poslove", na str. 3 pravilno napisati riječi: "unutrašnja organizacija", a na kraju stranice 3. pravilno pisati riječ: "podpredsjednika", na str. 4. iza riječi: "državnih službenika" veznik: "i" pisati malim početnim slovom, i na kraju str. 4 riječ: "sugestija" pisati u odgovarajućem padežu "sugestije".

3. Nakon što se otklone primjedbe iz tačke 2. ovog mišljenja, predmetni materijal se može razmatrati na jednoj od narednih sjednica Vlade Kantona Sarajevo, uz preporuku da se isti dopuni sa mišljenjem Ministarstva finansija Kantona Sarajevo, iz razloga što je za primjenu ovog propisa potrebno obezbjediti budžetska sredstva.

Dostaviti:

1. Naslovu
2. Evidencija
3. Arhiva



**EKONOMSKO - SOCIJALNO VIJEĆE  
ZA PODRUČJE KANTONA SARAJEVO**  
Ul. Reisa Džemaludina Čauševića br. 1., 71 000 Sarajevo, BiH  
Telefon: +387 33 562 091  
e-mail: [esvks@mrsri.ks.gov.ba](mailto:esvks@mrsri.ks.gov.ba)  
web: <http://mrsri.ks.gov.ba/esv>

Broj: 01-77-2-70/19  
Sarajevo, 11.11.2019.godine

U skladu sa članom 3. Sporazuma o osnivanju Ekonomsko-socijalnog vijeća za područje Kantona Sarajevo broj: 02-05-33200-19.1/05 od 03.02.2006. godine, broj: 02-05-21020-16.1/11 od 30.06.2011. godine i broj: 02-05-23316-25/16 od 14.07.2016. godine, Ekonomsko-socijalno vijeće za područje Kantona Sarajevo je donijelo slijedeći:

### **ZAKLJUČAK**

1. Ekonomsko-socijalno vijeće za područje Kantona Sarajevo podržava aktivnosti Vlade Kantona Sarajevo i Ministarstva za rad, socijalnu politiku, raseljena lica i izbjeglice Kantona Sarajevo na doноšenju zakona o Ekonomsko-socijalnom vijeću za područje Kantona Sarajevo, koji je ocijenjen kao važan iskorak u pristupu funkcionisanja Ekonomsko-socijalnog vijeća za područje Kantona Sarajevo.
2. Ekonomsko-socijalno vijeće za područje Kantona Sajevo je prihvatio tekst Nacerta Zakona o Ekonomsko-socijalnom vijeću za područje Kantona Sarajevo, sa prijedlogom da ukoliko je moguće, Vlada Kantona Sarajevo na svojoj sjednici, prilikom utvrđivanja Nacerta ovog zakona, usaglasi član 15. stav (6), član 20. stav (5) i član 25. na način da se članovi 15. i 20. koriguju, a da se član 25. briše.

**PREDSEDNIK ESV KS**



Dostaviti:

- Premijer Kantona Sarajevo,
- Ministarstvo za rad, socijalnu politiku,  
raseljena lica i izbjeglice KS,
- Evidencija,
- a/a.



**USTAV KANTONA SARAJEVO**

**I**

**AMANDMANI I-XLII NA USTAV KANTONA SARAJEVO**

- b) osigurati suradnju svake osobe i svakog službenika u davanju potrebnih informacija i podataka;
- c) osigurati pristup i kontrolu na svim mjestima gdje su osobe lišene slobode, zatvorene ili gdje rade;
- d) omogućiti prisustvo sudskim i upravnim postupcima kao i sastancima organa. Nalazi i izvještaji tijela iz stava 1. ovog člana će se razmatrati u nadležnim organima po hitnom postupku, te će na osnovu toga biti preduzimane odgovarajuće mjere gdje to bude potrebno.

### III - NADLEŽNOSTI KANTONA

#### Član 11.

##### **Određivanje nadležnosti**

Kanton ima nadležnosti utvrđene Ustavom Federacije i ovim Ustavom.

U slučaju potrebe za tumačenjem, nadležnosti Kantona utvrđene ovim Ustavom će biti tumačene u korist Kantona po principu predpostavljene nadležnosti, a pojedinačno spomenuta ovlaštenja u ovom Ustavu se neće tumačiti kao bilo kakva ograničenja općih nadležnosti Kantona.

#### Član 12.

##### **Isključive nadležnosti**

U okviru svojih nadležnosti Kanton je nadležan za:

- a) uspostavljanje i nadziranje policijskih snaga;
- b) utvrđivanje obrazovne politike, uključujući donošenje propisa o obrazovanju i osiguranje obrazovanja;
- c) utvrđivanje i provođenje kulturne politike;
- d) utvrđivanje stambene politike, uključujući i donošenje propisa koji se tiču uređivanja i izgradnje stambenih objekata;
- e) utvrđivanje politike koja se tiče reguliranja i osiguravanja javnih službi;
- f) donošenje propisa o korištenju lokalnog zemljišta, uključujući i zaniranje;
- g) donošenje propisa o unaprijedovanju lokalnog poslovanja i dobrotvornih aktivnosti;
- h) donošenje propisa o lokalnim postrojenjima za proizvodnju energije i osiguranje njihove dostupnosti;
- i) utvrđivanje politike u vezi sa osiguranjem radija i televizije, uključujući donošenje propisa o osiguranju njihovog rada i izgradnji;
- j) provođenje socijalne politike i uspostava službi socijalne zaštite;
- k) stvaranje i primjena politike turizma i razvoja turističkih resursa;
- l) stvaranje predpostavki za optimalni razvoj privrede koja odgovara urbanoj sredini;
- m) finansiranje djelatnosti kantonalnih vlasti ili kantonalnih agencija oporezivanjem, zaduživanjem ili drugim sredstvima.

#### Član 13.

##### **Zajedničke nadležnosti sa Federacijom**

Kanton zajedno sa Federacijom, samostalno ili u koordinaciji sa federalnim vlastima vrši slijedeće nadležnosti:

### Član 18.

#### **Nadležnosti Skupštine**

Skupština Kantona:

- a) priprema i dvotrećinskom većinom usvaja Ustav Kantona;
- b) donosi zakone i druge propise u okviru izvršavanja nadležnosti Kantona, izuzev propisa koji su ovim Ustavom ili zakonom dati u nadležnost Vlade Kantona;
- c) bira i razrješava Predsjednika i podpredsjednika Kantona sukladno Ustavu Federacije i ovom Ustavu;
- d) utvrđuje politiku i donosi programe razvoja Kantona;
- e) potvrđuje imenovanje Premijera, zamjenika Premijera i članova Vlade Kantona;
- f) osniva kantonalne i općinske sudove i utvrđuje njihove nadležnosti;
- g) bira sudije kantonalnih sudova sukladno Ustavu Federacije i ovom Ustavu;
- h) usvaja budžet Kantona i donosi zakone o oporezivanju i na drugi način osigurava potrebno finansiranje;
- i) bira zastupnike u Dom naroda Federacije sukladno Ustavu Federacije;
- j) odlučuje o prijenosu ovlaštenja Kantona na općine i Federaciju;
- k) odobrava zaključivanje ugovora i sporazuma u oblasti međunarodnih odnosa i međunarodne suradnje;
- l) provodi istragu sukladno ovom Ustavu i posebnim propisima;
- m) vrši i druge poslove utvrđene federalnim propisima, ovim Ustavom i kantonalnim propisima.

### Član 19.

#### **Način rada Skupštine**

Skupština bira predsjedavajućeg i dva njegova zamjenika iz reda izabralih poslanika.

Skupština zasjeda javno, izuzev u slučajevima kada je to predviđeno njenim poslovnikom. Izvještaji o zasjedanjima i donesenim odlukama se objavljaju u sredstvima javnog informiranja.

Način rada Skupštine bliže se uređuje poslovnikom.

### Član 20.

#### **Poslanički imunitet**

Krivični postupak ili građanska parnica ne mogu biti pokrenuti protiv kantonalnog poslanika, niti kantonalni poslanik može biti zadržan u pritvoru ili kačjen na bilo koji način zbog iznesenog mišljenja i datog glasa u Skupštini.

### Član 21.

#### **Način odlučivanja u Skupštini**

U vršenju svojih nadležnosti Skupština donosi zakone, druge propise, te opće i pojedinačne akte (dalje: propisi).

Svako općinsko vijeće općina koje formiraju Grad izabrat će 7 delegata u Gradsko vijeće iz reda općinskih vijećnika.

Bošnjacima, Hrvatima i grupi Ostalih će pojedinačno biti garantiran minimum od 20% mjesta u Gradskom vijeću, bez obzira na izborne rezultate.

Ukoliko se Izborom gradskih vijećnika iz reda općinskih vijećnika ne može popuniti minimalan broj mjesta zagarantovan stavom 3. ovog člana, gradski vijećnici će biti birani iz reda kandidata sa lista političkih stranaka koje participiraju u općinskim vijećima, a na osnovu izbornih rezultata".

### **AMANDMAN III**

U članu 18. pod (j), riječ "općine" je zamijenjena riječima "općinu, Grad".

### **AMANDMAN IV**

Iza člana 18. dodaje se novi član 18a. koji glasi:

"**Predsjedavajući i zamjenik predsjedavajućeg**

Skupština biri predsjedavajućeg i njegovog zamjenika iz reda izabranih poslanika. Predsjedavajući i njegov zamjenik neće biti izabrani iz istog konstitutivnog naroda".

U članu 19. stav 1. se briše.

### **AMANDMAN V**

U članu 23., iza stava 1. dodaje se novi stav 2. koji glasi:

"Postojaće pravična i odgovarajuća zastupljenost svih naroda koji žive u Kantonu na svim nivoima Kantonalnih izvršnih vlasti".

### **AMANDMAN VI**

Član 26. se mijenja i glasi:

"**Potpredsjednik Kantona**

Skupština će izabrati i potpredsjednika Kantona. Potpredsjednik Kantona se bira na period od dvije godine i ne može se na tu funkciju birati više od dva puta uzastopno.

Potpredsjednik Kantona obavlja poslove koje utvrdi predsjednik Kantona, kao i druge poslove kako je to utvrđeno posebnim kantonalnim propisima.

Predsjednik i potpredsjednik Kantona neće biti iz istog konstitutivnog naroda".

### **AMANDMAN VII**

Na kraju člana 29. pod (f) dodaju se riječi: "i Gradu".

### **AMANDMAN VIII**

Iza člana 29. dodaje se novi član 29a. koji glasi:

"Ministar i zamjenik ministra unutrašnjih poslova i ministar i zamjenik ministra stambene politike neće biti imenovani iz reda istog konstitutivnog naroda.

Broj 4/01 (Amandmani XVI-XVIII)

### **AMANDMAN XVI**

Član 27. stav 1. mijenja se i glasi:

"Vladu čine premijer, koji je predsjednik Vlade i ministri."

### **AMANDMAN XVII**

Amandman VIII briše se.

### **AMANDMAN XVIII**

U članu 31. riječi: "zamjenik premijera" brišu se.

---

Broj 28/04 (Amandmani XIX do XLII)

### **AMANDMAN XIX**

Iza člana 11. dodaje se član 11a., koji glasi:

#### **"Član 11a.**

Kanton osigurava da konstitutivni narodi i pripadnici grupe Ostalih budu proporcionalno zastupljeni u ministarstvima Kantona. Takva proporcionalna zastupljenost u skladu je sa popisom stanovništva iz 1991. godine do potpune provedbe Aneksa 7."

### **AMANDMAN XX**

U članu 17. stav 2. briše se.

Dosadašnji st. 3. i 4. postaju st. 2. i 3.

Stav 3. mijenja se i glasi:

"Mandat poslanika u Skupštini traje četiri godine."

Iza stava 3. dodaje se novi stav 4. koji glasi:

"Klub delegata konstitutivnog naroda formira se uz uslov da postoji najmanje jedan delegat tog konstitutivnog naroda u Skupštini."

### **AMANDMAN XXI**

U članu 18. tačka c) briše se.

Tačka e) mijenja se i glasi:

"e) potvrđuje Vladu Kantona ;"

Tačka g) briše se.  
Tačka f) briše se.

#### **AMANDMAN XXII**

Podnaslov i član 18a. mijenjaju se i glase i dodaje se član 18b):

"Predsjedavajući i zamjenici predsjedavajućeg Skupštine  
Član 18a.

Svaki klub delegata konstitutivnih naroda predlaže jednog kandidata iz reda svojih članova za izbor na mjesto predsjedavajućeg ili zamjenika predsjedavajućeg Skupštine.

Kandidate za Izbor na mjesto predsjedavajućeg ili zamjenika predsjedavajućeg Skupštine potvrđuje Skupština, u skladu sa svojim poslovnikom.

Ako jedan konstitutivni narod nije zastavljen u Skupštini, jedno od mjesta zamjenika predsjedavajućeg ostaje upražnjeno.

Tri kandidata koje potvrdi Skupština odlučuju između sebe ko će biti predsjedavajući Skupštine.

#### **Član 18b.**

Nadležnosti predsjedavajućeg Skupštine:

- predstavlja i zastupa Skupštinu u zemlji i inostranstvu
- imenuje kandidata za premijera Kantona."

#### **AMANDMAN XXIII**

U članu 19. stav 2. mijenja se i glasi:

"Skupština donosi poslovnik većinom glasova poslanika."

Iza stava 2. dodaje se stav 3., koji glasi:

"Poslovnikom se bliže utvrđuje način rada Skupštine, način potvrđivanja kandidata za izbor na mjesto predsjedavajućeg ili zamjenika predsjedavajućeg Skupštine i druga pitanja od značaja za rad Skupštine."

#### **AMANDMAN XXIV**

Član 20. mijenja se i glasi:

#### **"Član 20.**

Poslanici Skupštine ne podliježu krivično-pravnoj ni građanskopravnoj odgovornosti za radnje koje čine u okviru svojih dužnosti u Skupštini."

#### **AMANDMAN XXV**

U članu 21 .stav 3. briše se.

#### **AMANDMAN XXVI**

Iza člana 21.dodaje se podnaslov i novi čl. 21a. i 21b. ,koji glase:

"Mehanizam zaštite vitalnog nacionalnog interesa

#### **Član 21a.**

Lista vitalnih nacionalnih interesa koji se štite u Kantonu identična je listi sadržanoj u članu IV.5.17a. Ustava Federacije Bosne i Hercegovine, a klubovi iz



# SLUŽBENE NOVINE KANTONA SARAJEVO

Godina XXII – Broj 31

Četvrtak, 10. augusta 2017. godine  
SARAJEVO

ISSN 1512-7052

## KANTON SARAJEVO

### Skupština Kantona Sarajevo

Na osnovu člana V.2. 6.a) Ustava Federacije Bosne i Hercegovine i člana 42. Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01, 28/04 i 6/13), Skupština Kantona Sarajevo, na sjednici održanoj dana 31.07. 2017. godine, usvojila je

### AMANDMANE I DO LVII

### NA USTAV KANTONA SARAJEVO

#### AMANDMAN I

U članu 4a. Ustava Kantona Sarajevo, koji je dodat Amandmanom I na Ustav Kantona Sarajevo, sl. 2. i 3. mijenjaju se i glase:

##### "Član 4a.

Grad ima Statut, koji mora biti u skladu s Ustavom Federacije Bosne i Hercegovine, ovim ustavom i zakonom i principima koji su tim propisima utvrđeni.

Statutom Grada ureduju se i pitanja od vitalnog nacionalnog interesa, u skladu sa principima utvrđenim u Ustavu Federacije i Ustavu Kantona."

#### AMANDMAN LI

Član 4b. Ustava Kantona Sarajevo, koji je dodat Amandmanom II na Ustav Kantona Sarajevo, mijenja se i glasi:

##### "Član 4b.

Grad ima Gradsko vijeće koje se sastoji od jednakog broja vijećnika iz svake općine, s tim da ne može imati manje od 15 niti više od 31 vijećnika.

Broj vijećnika, izborna procedura i dužina trajanja mandata gradskih vijećnika se utvrđuje Statutom Grada, u skladu sa zakonom.

Bošnjacima, Hrvatima i Srbima, kao konstitutivnim narodima, pojedinačno se garantuje minimum od 20% mesta u Gradskom vijeću, a pripadnicima Ostalih najmanje dva mesta, bez obzira na izborne rezultate."

#### AMANDMAN LII

Iza člana 4b. dodaju se novi čl. 4c., 4d. i 4e., koji glase

##### "Član 4c.

Mandat gradskih vijećnika jednak je mandatu općinskih vijećnika koji se delegiraju u Gradsko vijeće.

Gradsko vijeće:

1. priprema i dvotrećinskom većinom usvaja Statut Grada,

2. bira gradonačelnika i zamjenike gradonačelnika, u skladu sa zakonom,
3. donosi budžet Grada,
4. donosi propise u izvršavanju vlastitih nadležnosti i prenesenih ovlaštenja,
5. vrši druga ovlaštenja utvrđena ustavom, zakonom i Statutom Grada.

Način odlučivanja Gradskog vijeća utvrđuje se Statutom Grada.

Grad ima gradonačelnika i zamjenike gradonačelnika, koji ne mogu biti iz istog konstitutivnog naroda i Ostalih.

Mandal gradonačelnika i zamjenika gradonačelnika traje koliko i mandat gradskih vijećnika.

Broj zamjenika gradonačelnika, ovlaštenja zamjenika gradonačelnika i odnosi zamjenika gradonačelnika sa gradonačelnikom utvrđuju se Statutom Grada.

Gradonačelnik je nadležan za:

1. provođenje gradske politike i izvršavanje gradskih propisa, kao i prenesenih nadležnosti,
2. imenovanje i smjenjivanje državnih službenika i namještenika,
3. osiguranje saradnje državnih službenika i namještenika s ombudsmenima,
4. podnošenje izvještaja Gradskom vijeću i javnosti o provođenju gradske politike,
5. vrši druga ovlaštenja utvrđena zakonom i Statutom Grada.

Gradski organi osnivaju se u skladu sa zakonom kojim se ureduje organizacija uprave u Federaciji Bosne i Hercegovine.

##### "Član 4d.

Vlastite nadležnosti Grada su:

1. osiguranje i zaštita ljudskih prava i osnovnih sloboda u skladu sa ustavom;
2. donošenje budžeta Grada i organizovanje efikasne gradske uprave prilagodene potrebanu Grada;
3. donošenje programa i planova razvoja Grada i stvaranje uslova za privredni razvoj i zapošljavanje, rad dobrovoljnih organizacija i unapređenje turizma;
4. utvrđivanje i provođenje politike planiranja i uređenja prostora i zaštite okoliša na teritoriji Grada i rješavanje u upravnom postupku u oblasti građenja, u skladu sa zakonom;
5. utvrđivanje politike korišćenja i utvrđivanje visine naknada za korišćenje javnih dobara od interesa za Grad, upravljanje prirodnim resursima od značaja za Grad i

**S L U Ž B E N E N O V I N E**  
**KANTONA SARAJEVO**

Broj 31 – Strana 2

Četvrtak, 10. augusta 2017.

- raspoljja sredstava ostvarenili po osnovu njihovog korišćenja;
6. upravljanje i raspolažanje imovinom Grada;
  7. upravljanje, finansiranje i unapređenje djelatnosti i objekata gradske komunalne infrastrukture:
    - a. gradska groblja;
    - b. mostovi od posebnog značaja za Grad;
    - c. gradska ulična rasvjeta;
    - d. gradski parkovi;
  8. odlučivanje o raspolažanju stanovima u vlasništvu Grada i visini zakupnine za korišćenje stanova koji su u vlasništvu Grada, propisivanje pravila održavanja reda u stambenim zgradama na području Grada, obezbeđivanje sredstava za radove radi zaštite objekata od kulturno-istorijskog značaja na području Grada, uređivanje i obezbeđivanje konštenja poslovnog prostora kojim upravlja Grad, utvrđivanje visine naknade za korišćenje poslovnih prostora u vlasništvu Grada i vršenje nadzora nad njihovim korišćenjem;
  9. određivanje imena ulica i trgova na području Grada;
  10. donošenje propisa o uslovima, izgradnji i održavanju spomenika, spomeničkih i sličnih obilježja na području Grada;
  11. osnivanje, upravljanje, unapređenje i finansiranje ustanova i izgradnja objekata za zadovoljavanje potreba stanovništva u oblasti kulture i sporta od značaja odnosno posebnog interesa za Grad;
  12. utvrđivanje osnova zajedničke politike razvoja kulture, fizičke kulture, sporta, održiva i rekreacija građana na području Grada i organizovanje odnosno učestovanju u organizovanju kulturnih i sportskih manifestacija i sportskih takmičenja od značaja za Grad;
  13. analiza stanja javnog reda i mira, bezbjednosti ljudi i imovine, te predlaganje mera prema organima nadležnim za ova pitanja;
  14. donošenje propisa o porezima, naknadama, doprinosima i taksiima iz nadležnosti Grada;
  15. uspostavljanje i vršenje inspekcijskog nadzora nad izvršavanjem propisa iz vlastitih nadležnosti Grada;
  16. raspisivanje referendumu za područje Grada;
  17. raspisivanje samodoprinos, javnog zajma i odlučivanje o zaduženju Grada;
  18. osnivanje i obezbeđivanje uslova rada gradskih radio i TV stanica, štampanih glasila i drugih sredstava javnog informisanja;
  19. podsticanje razvoja civilnog društva;
  20. zaštita životinja.

Obavljanje pojedinih poslova iz stava 1. ovog člana Grad može, u skladu sa zakonom, povjeriti ustanovama, privrednim društvima, drugim pravnim licima i obrtnicima."

"Član 4e.

Općine koje nisu u sastavu Grada i Grad zajednički upravljaju, finansiraju i unapređuju djelatnosti i objekte nedjeljive komunalne infrastrukture, i to:

1. vodosnabdijevanje, odvodjenje i prerada otpadnih voda;
2. održavanje javne čistoće i upravljanje čvrstim otpadom;
3. snabdijevanje prirodnim gasom;
4. daljinsko grijanje i
5. organizovanje i unapređenje gradskog javnog prevoza.

Općine koje nisu u sastavu Grada i Grad mogu povjeriti obavljanje poslova iz stava 1. ovog člana Kantona."

**AMANDMAN LIII**

Iza člana 5. dodaje se član 5a., koji glasi:

"Član 5a.

Službeni jezici u Kantunu su: bosanski jezik, hrvatski jezik i srpski jezik, a službena pisma su latinica i cirilica.

Ostali jezici mogu se koristiti kao sredstvo komunikacije i nastave.

Određbe Ustava odnose se podjednako na osobe muškog i ženskog spola, bez obzira na rod imenice upotrebljene u tekstu."

**AMANDMAN LIV**

U članu 12. uvodna rečenica mijenja se i glasi:

"Kanton ima sve nadležnosti koje nisu izričito povjerene Federalnoj vlasti ili koje ne spadaju u vlastite nadležnosti jedinica lokalne samouprave, a posebno je nadležan za:"

**AMANDMAN LV**

U članu 38. stav 2. mijenja se i glasi:

"Općina i Grad imaju pravo na odgovarajuće izvore finansiranja kojima slobodno raspolažu u okviru svojih ovlaštenja, kao i na sredstva za obavljanje delegiranih ili prenesenih poslova iz okvira prava i dužnosti Kantona."

Iza stava 2. dodaju se novi st. 3, 4. i 5., koji glase:

"Općina i Grad ostvaruju prihode oporezivanjem, zaduživanjem i na drugi način, u skladu sa zakonom.

U skladu sa utvrđenom fiskalnom politikom, kantonalnim zakonom se utvrđuju vrste poreza, naknada, doprinosa i taksi koji u cijelosti ili djelimično pripadaju općini i Gradu kao izvorni prihodi.

Jedan dio finansijskih izvora općina i Grad ostvaruju od lokalnih taksi i naknada čiju stopu samostalno utvrđuju u okviru zakona."

Dosadašnji stav 3. postaje stav 6.

**AMANDMAN LVI**

Iza člana 39. Ustava Kantona dodaje se novi član 39a. - Imovina jedinica lokalne samouprave, koji glasi:

Član 39a. - Imovina jedinica lokalne samouprave

Općina i Grad imaju pravo na pokretnu i nepokretnu imovinu.

Imovinom se smatraju svari, prava i novčana sredstva koja su stečena kupovinom ili na drugi način u skladu sa zakonima Bosne i Hercegovine, Federacije i Kantona.

Imovinom općine odnosno Grada upravlja općinsko, odnosno Gradsко vijeće, na način utvrđen statutom."

**AMANDMAN LVII**

Iza člana 51. Ustava Kantona dodaje se novi član 52. koji glasi:

"Član 52.

Skupština Kantona Sarajevo će kantonalne zakone kojima je uređena lokalna samouprava i pripadnost javnih prihoda uskladiti s ovim amandmanima i njima urediti pitanja nadležnosti i odgovornosti Grada i općina, njihove međusobne odnose i način finansiranja.

Prenos i preuzimanje nadležnosti i finansijskih sredstava za njihovo obavljanje izvršiće se najkasnije u roku od dvije godine od stupanja na snagu ovih amandmana."

Broj 01-01-25012/17

31. jula 2017. godine

Skupštine Kantona Sarajevo

Sarajevo Prof. Ana Babić, s. r.

Na osnovu člana 18. tačka m) Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01, 28/04 i 6/13) i člana 187. stav 2. Poslovnika Skupštine Kantona Sarajevo ("Službene novine Kantona Sarajevo", broj 41/12 - Drugi novi prečišćeni tekst i br. 15/13, 47/13, 47/15 i 48/16), Skupština Kantona Sarajevo, na sjednici održanoj dana 31.07.2017. godine, donijela je

**ODLUKU**

**O PROGLAŠENJU AMANDMANA I DO LVII NA  
USTAV KANTONA SARAJEVO**

I

Proglašavaju se Amandman I do LVII na Ustav Kantona Sarajevo, koji je donijela Skupština Kantona Sarajevo, na sjednici održanoj dana 31.07.2017. godine.

**ZAKON O RADU**  
("Službene novine Federacije BiH", broj:  
26/16 i 89/18)

- prečišćena ne službena verzija -

**I - OSNOVNE ODREDBE**

**Predmet zakona**  
**Član 1.**

Ovim zakonom uređuje se zaključivanje ugovora o radu, radno vrijeme, plaće, prestanak ugovora o radu, ostvarivanje prava i obaveza iz radnog odnosa, zaključivanje kolektivnih ugovora, mirno rješavanje kolektivnih radnih sporova i druga pitanja iz radnog odnosa, ako drugim zakonom ili međunarodnim ugovorom nije drugačije određeno.

**Gramatička terminologija**  
**Član 2.**

Gramatička terminologija korištenja muškog i ženskog roda za pojmove u ovom zakonu uključuje oba roda.

**Ravnopravna zastupljenost spolova**  
**Član 3.**

Formiranje vijeća zaposlenika, mirovnog vijeća, ekonomsko - socijalnog vijeća i drugih organa koji proizlaze iz ovog zakona i kolektivnih ugovora, odražavat će ravnopravnu zastupljenost spolova.

**Zasnivanje radnog odnosa**  
**Član 4.**

(1) Stupanjem na rad radnika na osnovu zaključenog ugovora o radu zasniva se radni odnos.

(2) Nakon zaključivanja ugovora o radu poslodavac je dužan prijaviti radnika na penzijsko i invalidsko osiguranje, zdravstveno osiguranje i osiguranje za slučaj nezaposlenosti (u daljem tekstu: obavezno osiguranje) u skladu sa zakonom.

**Pojam poslodavca**  
**Član 5.**

Poslodavac, u smislu ovog zakona, je fizičko ili pravno lice koje radniku daje posao na osnovu ugovora o radu.

**Pojam radnika**  
**Član 6.**

Radnik, u smislu ovog zakona, je fizičko lice koje je zaposleno na osnovu ugovora o radu.

**Osnovna prava i obaveze radnika**  
**Član 7.**

(1) Poslodavac utvrđuje mjesto i način obavljanja rada poštivajući pri tome prava i dostojanstvo radnika, a radnik je obvezan prema uputama poslodavca datim u skladu sa prirodom i vrstom rada lično obavljati preuzeti posao, te poštivati organizaciju rada i poslovanja kod poslodavca, kao i zakone i opće akte poslodavca.

(2) Radnik ima pravo na pravičnu plaću, uvjete rada koji obezbeđuju sigurnost i zaštitu života i zdravlja na radu, te druga prava u skladu sa zakonom, kolektivnim ugovorom, pravilnikom o radu i ugovorom o radu.

**Osnovi i vrste diskriminacije**  
**Član 8.**

(1) Zabranjena je diskriminacija radnika kao i lica koje traži zaposlenje, s obzirom na spol, spolno opredjeljenje, bračno stanje, porodične obaveze, starost, invalidnost, trudnoću, jezik, vjeru, političko i drugo mišljenje, nacionalnu pripadnost, socijalno porijeklo, imovno stanje, rođenje, rasu, boju kože, članstvo ili nečlanstvo u političkim strankama i sindikatima, zdravstveni status, ili neko drugo lično svojstvo.

(2) Diskriminacija može biti direktna ili indirektna.

(3) Direktna diskriminacija, u smislu ovog zakona, znači svako postupanje uzrokovano nekim od osnova iz stava 1. ovog člana kojim se radnik, kao i lice koje traži zaposlenje stavlja ili je bilo stavljen u nepovoljniji položaj u odnosu na druga lica u istoj ili sličnoj situaciji.

(4) Indirektna diskriminacija, u smislu ovog zakona, postoji kada određena naizgled neutralna odredba, pravilo, kriterij ili praksa stavlja ili bi stavila u nepovoljniji položaj radnika kao i lice koje traži zaposlenje zbog određene osobine, statusa, opredjeljenja, uvjerenja ili vrijednosnog sistema koji čine osnove za zabranu diskriminacije iz stava 1. ovog člana u odnosu na drugog radnika, kao i lice koje traže zaposlenje.

(5) Administrativne poslove za mirovno vijeće formirano za teritoriju Federacije, vrši federalno ministarstvo nadležno za rad.

(6) Troškove za člana mirovnog vijeća sa liste koju utvrđuje Federalni ministar, snosi federalno ministarstvo nadležno za rad.

**Mirovno vijeće za područje kantona**  
**Član 152.**

Formiranje mirovnog vijeća za područje kantona, njegov sastav, način rada i druga pitanja koja se odnose na rad tog mirovnog vijeća, uređuju se propisom kantona.

**Dejstvo prijedloga mirovnog vijeća**  
**Član 153.**

(1) Strane u sporu mogu prihvati ili odbiti prijedlog mirovnog vijeća, a ako ga prihvate, prijedlog ima pravnu snagu i dejstvo kolektivnog ugovora.

(2) O ishodu i rezultatima mirenja strane u sporu obaveštavaju u roku od tri dana od dana završetka mirenja federalno ministarstvo, odnosno nadležni organ kantona u skladu sa propisom kantona.

**Arbitraža**  
**Član 154.**

(1) Strane u sporu mogu rješavanje kolektivnog radnog spora sporazumno povjeriti arbitraži.

(2) Imenovanje arbitara i arbitražnog vijeća i druga pitanja u vezi sa arbitražnim postupkom uređuju se kolektivnim ugovorom ili sporazumom strana.

**Arbitražna odluka**  
**Član 155.**

(1) Arbitraža temelji svoju odluku na zakonu, drugom propisu, kolektivnom ugovoru i na pravičnosti.

(2) Arbitražna odluka mora biti obrazložena, osim ako strane u sporu ne odluče drugačije.

(3) Protiv arbitražne odluke žalba nije dopuštena.

(4) Arbitražna odluka ima pravnu snagu i dejstvo kolektivnog ugovora.

**XVIII - ŠTRAJK**

**Organiziranje štrajka**  
**Član 156.**

(1) Sindikat ima pravo pozvati na štrajk i provesti ga sa svrhom zaštite i ostvarivanja ekonomskih i socijalnih prava i interesa svojih članova.

(2) Štrajk se može organizirati samo u skladu sa Zakonom o štrajku, pravilima sindikata o štrajku i kolektivnim ugovorom.

(3) Štrajk ne može započeti prije okončanja postupka mirenja predviđenog ovim zakonom, odnosno prije provođenja drugog postupka mirovog rješavanja spora o kojem su se strane sporazumjele.

**Zaštita radnika učesnika u štrajku**  
**Član 157.**

(1) Radnik ne može biti stavljen u nepovoljniji položaj od drugih radnika zbog organiziranja ili sudjelovanja u štrajku, u smislu člana 156. stav 2. ovog zakona.

(2) Radnik ne može biti ni na koji način prisiljavan da sudjeluje u štrajku.

(3) Ako se radnik ponaša suprotno članu 156. stav 2. ovog zakona ili ako za vrijeme štrajka namjerno nanese štetu poslodavcu, može mu se dati otkaz, u skladu sa zakonom.

**XIX - EKONOMSKO - SOCIJALNO VIJEĆE**

**Osnivanje Ekonomsko-socijalnog vijeća**  
**Federacije BiH**  
**Član 158.**

(1) U cilju promicanja i usklađivanja ekonomskе i socijalne politike, odnosno interesa radnika i poslodavaca, te podsticanja zaključivanja i primjene kolektivnih ugovora i njihovog usklađivanja sa mjerama ekonomskе i socijalne politike, može se osnovati ekonomsko - socijalno vijeće.

(2) Ekonomsko - socijalno vijeće može se osnovati za teritoriju Federacije, odnosno za područje kantona.

(3) Ekonomsko - socijalno vijeće temelji se na trostranoj saradnji Vlade Federacije, odnosno vlade kantona, sindikata i udruženja poslodavaca.

(4) Ekonomsko - socijalno vijeće iz stava 2. ovog člana osniva se sporazumom socijalnih partnera, a posebnim zakonom uređuje se sastav, nadležnost, ovlaštenja i druga pitanja od značaja za rad ovog vijeća.

## XX - NADZOR NAD PRIMJENOM PROPISA O RADU

### Dužnosti inspekcije rada Član 159.

(1) Nadzor nad primjenom ovog zakona i na osnovu njega donesenih propisa, obavlja federalni, odnosno kantonalni inspektor rada.

(2) Pored poslova inspekcijskog nadzora iz stava 1. ovog člana inspektor rada je dužan da:

- a. daje upute poslodavcima i radnicima o najefikasnijem načinu primjene zakonskih propisa;
- b. obavještava nadležne organe uprave o nedostacima koji nisu posebno definirani postojećim zakonskim propisima;
- c. ostvaruje saradnju sa drugim organima uprave, poslodavcima i udruženjima poslodavaca i radnika.

### Nadležnosti federalnog inspektora rada Član 160.

(1) Federalni inspektor rada obavlja neposredni inspekcijski nadzor u privrednim društvima, preduzećima i ustanovama od interesa za Federaciju.

### Nadležnost kantonalnog inspektora rada Član 161.

(1) Kantonalni inspektor rada obavlja poslove neposrednog inspekcijskog nadzora iz člana 159. ovog zakona kod poslodavca, osim poslova nadzora za koje je ovim ili drugim zakonom utvrđeno da ih obavljaju federalni inspektori rada.

(2) Direktor Federalne uprave za inspekcijske poslove može, uz saglasnost kantonalnog rukovodioca inspekcije, u slučaju potrebe, prenijeti ovlaštenje kantonalnom inspektoru rada da obavlja poslove inspekcijskog nadzora iz nadležnosti federalne inspekcije rada na teritoriji Federacije.

### Provodenje inspekcijskog nadzora Član 162.

(1) U provođenju nadzora inspektor rada ima ovlaštenja utvrđena zakonom i propisima donesenim na osnovu zakona.

(2) Radnik, sindikat, poslodavac i vijeće zaposlenika mogu podnijeti zahtjev inspektoru rada za provođenje inspekcijskog nadzora.

## XXI - POSEBNE ODREDBE

### Radna knjižica Član 163.

- (1) Radnik ima radnu knjižicu.
- (2) Radna knjižica je javna isprava.
- (3) Radnu knjižicu izdaje općinski organ uprave nadležan za poslove rada.

### Postupanje sa radnom knjižicom Član 164.

- (1) Na dan kada počne da radi, radnik predaje radnu knjižicu poslodavcu, o čemu poslodavac izdaje radniku pisanu potvrdu.
- (2) Na dan prestanka ugovora o radu, poslodavac je dužan vratiti radniku uredno popunjenu radnu knjižicu.
- (3) Vraćanje radne knjižice iz stava 2. ovog člana ne može se uvjetovati potraživanjem koje poslodavac eventualno ima prema radniku.

### Povrat dokumenata radnika i izdavanje potvrde Član 165.

- (1) Pored radne knjižice iz člana 164. stav 2. ovog zakona, poslodavac je dužan radniku vratiti i druge dokumente i na njegov zahtjev izdati potvrdu o poslovima koje je obavljao i trajanju radnog odnosa.
- (2) U potvrdi iz stava 1. ovoga člana ne mogu se unositi podaci koji bi radniku otežavali zaključivanje novog ugovora o radu.

### Privremeni i povremeni poslovi Član 166.

- (1) Za obavljanje privremenih i povremenih poslova može se zaključiti ugovor o obavljanju privremenih i povremenih poslova, pod uvjetima:
  - a. da su privremeni i povremeni poslovi utvrđeni u kolektivnom ugovoru ili u pravilniku o radu,
  - b. da privremeni i povremeni poslovi ne predstavljaju poslove za koje se zaključuje ugovor o radu na određeno ili neodređeno vrijeme, sa punim ili nepunim radnim vremenom





## SLUŽBENE NOVINE KANTONA SARAJEVO

Broj 41 – Strana 14

Petak, 21. septembra 2012.

Na osnovu čl. 113. i 223. Poslovnika Skupštine Kantona Sarajevo ("Službene novine Kantona Sarajevo" - Novi prečišćen tekst, broj 25/10 i br. 14/11, 19/11 i 7/12), Skupština Kantona Sarajevo, na sjednici održanoj dana 21.09.2012. godine, povodom razmatranja prijedloga za glasanje o nepovjerenju Vladi Kantona Sarajevo, donijela je slijedeću

### ODLUKU

Skupština Kantona Sarajevo, je većinom glasova od izabranih poslanika/zastupnika u Skupštini Kantona Sarajevo, izglasala Odluku o nepovjerenju Vladi Kantona Sarajevo.

II

Ova Odluka stupa na snagu danom donošenja, a objaviće se u "Službenim novinama Kantona Sarajevo".

Broj 01-05-25684/12                  Predsjedavajuća  
21. septembra 2012. godine        Skupštine Kantona Sarajevo  
   Sarajevo                                 Prof. dr. Mirjana Malić, s. r.

### Zakonodavno-pravna komisija Skupštine Kantona Sarajevo

Na osnovu člana 172., 175. i 176. Poslovnika Skupštine Kantona Sarajevo ("Službene novine Kantona Sarajevo", broj 25/10, 14/11, 19/11, 7/12, 26/12) Zakonodavno-pravna komisija Skupštine Kantona Sarajevo na sjednici od 17.09.2012. godine, utvrdila je Drugi novi prečišćeni tekst Poslovnika Skupštine Kantona Sarajevo.

Drugi novi prečišćeni tekst Poslovnika Skupštine Kantona Sarajevo obuhvata Poslovnik Skupštine Kantona Sarajevo-Novi prečišćeni tekst ("Službene novine Kantona Sarajevo", broj 25/10), Odluku o dopuni Poslovnika Skupštine Kantona Sarajevo ("Službene novine Kantona Sarajevo", broj 14/11), Odluke o izmjenama i dopunama Poslovnika Skupštine Kantona Sarajevo ("Službene novine Kantona Sarajevo", broj 19/11, 7/12, 26/12) u kojima je označen dan stupanja na snagu tih odluka.

Broj 01-05-24830/12                  Predsjedavajući  
17. septembra 2012. godine        Zakonodavno-pravne komisije  
   Sarajevo                                 Amir Zukić, s. r.

### POSLOVNIK SKUPŠTINE KANTONA SARAJEVO DRUGI NOVI PREČIŠĆENI TEKST

#### I - OPĆE ODREDBE

##### Član 1.

Skupština Kantona Sarajevo (u dalnjem tekstu: Skupština) konstituiše se, organizuje i radi u skladu sa Ustavom, zakonom i Poslovnikom Skupštine Kantona Sarajevo.

##### Član 2.

Poslovnikom Skupštine Kantona Sarajevo (u dalnjem tekstu: Poslovnik) uređuju se:

- konstituisanje i unutrašnja organizacija Skupštine;
- način rada Skupštine;
- dužnosti i prava poslanika/zastupnika u Skupštini;
- javnost rada Skupštine;
- akta Skupštine;
- izbori, imenovanja, potvrđivanja, smjenjivanja i razrješenja iz nadležnosti Skupštine;
- odnos Skupštine prema Vladi (u daljem tekstu: Vlada);

- odnos Skupštine prema političkim strankama i udruženjima građana;

saradnja sa Gradskim vijećem i Domom naroda Parlamenta Federacije BiH;

saradnja Skupštine sa općinskim vijećima;

druga pitanja od značaja za rad Skupštine.

##### Član 3.

Ako neko pitanje organizacije i rada Skupštine nije uredeno Poslovnikom, urediće se zaključkom Skupštine, na sjednici.

Zaključak iz prethodnog stava primjenjuje se od dana donošenja.

Zaključak iz stava 1. ovog člana ne može biti u suprotnosti sa načelima i odredbama Poslovnika.

##### Član 4.

Sjedište Skupštine je u Sarajevu, Ulica Reisa Džemaludina Čauševića broj 1.

##### Član 5.

Skupština ima pečat u skladu sa zakonom.

O čuvanju i upotrebi pečata stara se sekretar Skupštine.

#### II - KONSTITUISANJE I UNUTRAŠNJA ORGANIZACIJA SKUPŠTINE

##### Konstituisanje Skupštine

##### Član 6.

Skupština je jednodoma i čine je poslanici/zastupnici čiji je broj utvrđen Ustavom Kantona i zakonom (u smislu ovog poslovnika, "poslanik/zastupnik" podrazumijeva osobu oba spola).

##### Član 7.

Prva sjednica Skupštine saziva se najkasnije 10 dana nakon što nadležni organ potvrdi, ovjeri i objavi izborne rezultate.

Prvu sjednicu Skupštine saziva predsjedavajući Skupštine iz prethodnog saziva i predsjedava sjednicom Skupštine do izbora predsjedavajućeg u novom sazivu.

Ukoliko je predsjedavajući Skupštine spriječen, prvu sjednicu saziva jedan od njegovih zamjenika iz prethodnog saziva.

Ukoliko su i zamjenici spriječeni da sazovu prvu sjednicu Skupštine, sjednicu saziva najstariji izabrani poslanik/zastupnik u novom sazivu, odnosno onaj poslanik/zastupnik koga za sazivanje ovlasti jedna trećina novoizabranih poslanika/zastupnika.

##### Član 8.

Predsjedavajući prve sjednice Skupštine predočava Skupštini izvještaj Izborne komisije BiH o ovjeri mandata osobama koje su dobile poslanički/zastupnički mandat.

Poslanici preuzimaju dužnost zajedničkim davanjem i pojedinačnim potpisivanjem svečane izjave, koja glasi:

"Svečano izjavljujem da ću povjerenu dužnost obavljati savjesno, pridržavati se Ustava i zakona Bosne i Hercegovine, Federacije Bosne i Hercegovine i Kantona Sarajevo, zalagati se za ljudska prava i slobode i da ću u svim prilikama štititi interes Bosne i Hercegovine, Federacije Bosne i Hercegovine i Kantona Sarajevo i ravnopravnost naroda i građana koji u njima žive."

Procedura iz st. 1. i 2. ovog člana odnosi se i na poslanike/zastupnike sa naknadno dodijeljenim mandatima.



## SLUŽBENE NOVINE KANTONA SARAJEVO

Petak, 21. septembra 2012.

Broj 41 – Strana 25

Rezolucijom se daju i političke smjernice za rad Vlade, kao i drugih kantonalnih organa i organizacija.

### Član 123.

Preporukom se izražava mišljenje Skupštine u vezi sa uskladivanjem odnosa i razvijanjem međusobne saradnje organizacija i zajednica o pitanjima od kantonalnog interesa.

### Član 124.

Smjernicama se utvrđuju obaveze Vlade i kantonalnih organa uprave u vezi sa politikom izvršavanja zakona i drugih propisa i općih akata, te se usmjerava njihov rad.

### Član 125.

Akta donosena na sjednici Skupštine potpisuje predsjedavajući Skupštine.

### Član 126.

Izvornikom zakona, odnosno drugog propisa ili općeg akta Skupštine, smatra se onaj tekst zakona odnosno drugog propisa ili općeg akta koji je usvojen na sjednici Skupštine.

### Član 127.

Na izvornike zakona i drugih akata stavlja se pečat Skupštine. Izvornici zakona i drugih akata Skupštine čuvaju se u Skupštini.

O izradi izvornika, stavljanju pečata na njih, njihovom čuvanju i evidenciji stara se sekretar Skupštine.

### Član 128.

Zakon i druga akta Skupštine objavljaju se u "Službenim novinama Kantona Sarajevo", na jezicima konstitutivnih naroda.

Zaključci doneseni na sjednici Skupštine dostavljaju se zainteresiranim organima i organizacijama.

O objavljuvanju zakona i drugih akata Skupštine, kao i zaključaka donesenih na sjednici Skupštine, stara se sekretar Skupštine.

### Postupak za donošenje zakona

#### - Inicijativa za donošenje zakona

### Član 129.

Inicijativu za donošenje zakona može pokrenuti svaki poslanik/zastupnik Skupštine, radno tijelo Skupštine, Vlada, ministarstva i ostali kantonalni organi, kantonalna javna preduzeća i druga pravna lica, općinska vijeća, kao i građani i njihova udruženja.

Inicijativa za donošenje zakona dostavlja se predsjedavajućem Skupštine.

### Član 130.

Inicijativu za donošenje zakona predsjedavajući Skupštine dostavlja Zakonodavno-pravnoj komisiji Skupštine i Vladi Kantona na mišljenje.

Po pribavljenim mišljenjima Zakonodavno-pravne komisije i Vlade, Skupština na sjednici donosi zaključak kojim se inicijativa odbija ili se prihvata i određuje način pripreme i nosiće izrade nacrta zakona.

Bilo da inicijativu odbije ili prihvati, Skupština će svoj zaključak dostaviti podnosiocu inicijative.

#### - Prethodni postupak

### Član 131.

Prije podnošenja nacrta zakona, predlagač može podnijeti teze za izradu zakona, radi prethodne rasprave o potrebi donošenja zakona, o osnovnim pitanjima koje treba urediti zakonom i o načelima na kojima treba odnose urediti zakonom.

### Član 132.

Skupština prethodno ocjenjuje da li će razmatrati teze za izradu zakona ili će zaključkom obvezati predlagača da odmah pripremi nacrt zakona.

Ako Skupština prihvati da razmatra teze za izradu zakona, zaključkom utvrđuje potrebu donošenja zakona, načela na kojima treba da se zasniva nacrt zakona i osnovna pitanja koja treba urediti zakonom.

#### - Nacrt zakona

### Član 133.

Postupak za donošenje zakona obuhvata razmatranje nacrta i prijedloga zakona, ako ovim poslovnikom nije drugačije propisano.

### Član 134.

Nacrt zakona može podnijeti svaki poslanik/zastupnik, radno tijelo Skupštine ili Vlada Kantona.

### Član 135.

Nacrt zakona treba da bude izrađen tako da su u njemu formulisana, u vidu pravnih odredaba, rješenja koja se predlažu.

Pojedine odredbe mogu se dati u jednoj ili više alternativa.

Nacrt zakona treba da sadrži obrazloženje u kome se navode ustavni osnov za donošenje zakona, razlozi zbog kojih treba donijeti zakon, načela na kojima se zakon temelji, objašnjenje pravnih rješenja sadržanih u nacrtu, finansijska i druga sredstva potrebna za sprovodenje zakona i način njihovog obezbjeđenja i mišljenja kantonalnih organa i organizacija koji su u toku izrade nacrta konsultovani, sa razlozima zbog kojih su ona uvrštena u nacrt ili odbijena.

Kad se nacrtom zakona vrše izmjene ili dopune zakona, uz nacrt se prilaže i tekst odredaba zakona koje se mijenjaju, odnosno dopunjaju.

### Član 136.

Nacrt zakona dostavlja se predsjedavajućem Skupštine i njegovim zamjenicima.

Predsjedavajući Skupštine upućuje nacrt poslanicima radi razmatranja u komisijama, klubovima poslanika/zastupnika, klubovima naroda i drugim radnim tijelima Skupštine.

Nacrt zakona predsjedavajući Skupštine dostavlja i Vladi radi davanja mišljenja u slučajevima kada nacrt nije utvrdila Vlada.

### Član 137.

Nacrt zakona pretresa se na sjednici Skupštine po isteku roka od 14 dana od dana dostavljanja poslanicima.

U roku iz prethodnog stava, Zakonodavno-pravna komisija i druga nadležna tijela Skupštine dužna su razmotriti nacrt i o tome dostaviti izvještaj Skupštini sa mišljenjima, primjedbama i prijedlozima.

### Član 138.

Pretres nacrta zakona na sjednici Skupštine je, po pravilu, jedinstven.

Skupština može odlučiti da pretres nacrta zakona obuhvata opći pretres i pretres u pojedinostima.

U općem pretresu poslanici iznose mišljenja o tome da li je potrebno donijeti zakon, o načelima na kojima zakon treba da se zasniva i da li su ta načela dosljedno sprovedena u nacrtu.

U pretresu u pojedinostima raspravlja se o pojedinim rješenjima nacrta.



## SLUŽBENE NOVINE KANTONA SARAJEVO

Broj 41 – Strana 26

Ponedjeljak, 21. septembra 2012.

### Član 139.

Ako Skupština ocijeni da nije potrebno da se zakon doneše, zaključkom odbija nacrt i taj zaključak dostavlja podnosiocu nacrtu i podnosiocu inicijative.

Zaključak iz prethodnog stava sadrži razloge koji su naveli Skupština da doneše ovaku ocjenu i odbije nacrt.

### Član 140.

Ako Skupština ocijeni da se nastavi postupak donošenja zakona, ona će po završenom pretresu zaključkom utvrditi nacrt zakona uz stavove i primjedbe na nacrt zakona koji su sastavni dio zaključka, dostaviti podnosiocu nacrtu da ih uzme u obzir prilikom izrade prijedloga zakona.

- Javna diskusija o nacrtu zakona, drugog propisa ili općeg akta

### Član 141.

U cilju očitovanja i davanja mišljenja i sugestija kantonalnih organa uprave, javnih preduzeća i ustanova, lokalne samouprave i javnosti Kantona u cijelini, o nacrtu zakona koji Skupština utvrdi, provodi se javna rasprava.

Obaveznji sudionici javne rasprave su kantonalni organi uprave i jedinice lokalne samouprave, te kantonalne ustanove i javna preduzeća na koja se nacrt zakona neposredno odnosi, odnosno koja su određena zaključkom o otvaranju javne rasprave.

### Član 142.

Zaključak o otvaranju javne rasprave sadrži odredbe o subjektima koji će organizovati i provesti raspravu, obimu rasprave, kao i načinu finansiranja i roku za njeno provođenje.

Rok za provođenje javne rasprave je najmanje trideset dana. Izuzetno, Skupština može odrediti kraći rok javne rasprave. Rok za provođenje javne rasprave teče od dana dostave nacrtu zakona obaveznim sudionicima javne rasprave. Tokom javne rasprave, nadležno radno tijelo Skupštine učestvuje u javnom pretresu koji organizuje predlagač.

O rezultatima javne rasprave Skupštini se podnosi izvještaj koji sadrži primjedbe, prijedloge i mišljenja.

### Član 143.

Predlagač zakona dužan je da prilikom izrade prijedloga zakona uzme u obzir primjedbe, prijedloge i mišljenja sadržana u izvještaju o javnoj raspravi, kao i da obrazloži razloge zbog kojih nije pojedine primjedbe, prijedloge ili mišljenja uvrstio u prijedlog zakona.

Izuzetno, ako je radno tijelo koje podnosi izvještaj o rezultatima javne rasprave istovremeno i predlagač zakona, može zajedno sa izvještajem dostaviti prijedlog zakona, a Skupština će na istoj sjednici razmatrati izvještaj i prijedlog zakona.

### Član 144.

Odredbe ovog poslovnika koje se odnose na javnu raspravu o nacrtu zakona, shodno se primjenjuju i na javnu raspravu o nacrtima drugih propisa ili općih akata Skupštine.

- Prijedlog zakona

### Član 145.

Prijedlog zakona podnosi se u obliku u kome se donosi zakon.

Obrazloženje prijedloga sadrži, pored pitanja iz člana 138. stav 3. ovog poslovnika, objašnjenja važnih pravnih instituta, izmjene i dopune koje su izvršene u odnosu na nacrt zakona, primjedbe i prijedloge na nacrt zakona koji nisu prihvaćeni i iz kojih razloga, kao i druge značajne okolnosti u vezi sa pitanjima koja se zakonom uređuju.

### Član 146.

O načinu podnošenja prijedloga zakona, njegovog upućivanja Skupštini, drugim tijelima Skupštine i zainteresiranim organima i drugim organizacijama i zajednicama, njegovog razmatranja u Zakonodavno-pravnoj komisiji, kao i razmatranja po pitanjima zaštite vitalnih nacionalnih interesa, shodno se primjenjuju odgovarajuće odredbe ovog poslovnika koje se odnose na nacrt zakona.

### Član 147.

Predsjedavajući Skupštine po prijemu dostavlja prijedlog zakona poslanicima/zastupnicima i on se može pretresati na sjednici Skupštine po isteku roka od 14 dana od dana dostavljanja poslanicima/zastupnicima.

### Član 148.

Prijedlog zakona prethodno razmatraju ovim poslovnikom ovlaštena radna tijela Skupštine, klubovi naroda i klubovi poslanika/zastupnika u skladu sa svojim nadležnostima.

### Član 149.

Pretres prijedloga zakona na sjednici Skupštine je, po pravilu, jedinstven.

Skupština može odlučiti da pretres prijedloga zakona obuhvata opći pretres i pretres u pojedinostima.

U općem pretresu prijedloga raspravlja se o prijedlogu u načelu i da li je prijedlog izrađen u skladu sa zaključkom usvojenim prilikom pretresa nacrtu zakona, a mogu da se iznose mišljenja, traže objašnjenja i pokreću druga pitanja u vezi sa rješenjem datim u prijedlogu.

U toku pretresa o pojedinostima raspravlja se o pojedinim rješenjima prijedloga.

### Član 150.

Podnositac prijedloga zakona i Vlada mogu do završetka pretresa predložiti Skupštini da se pretres prijedloga zakona odloži.

O prijedlozima iz prethodnog stava i o drugim prijedlozima za odlaganje pretresa prijedloga zakona Skupština odlučuje odmah.

Podnositac prijedloga zakona može da do otvaranja pretresa povuče svoj prijedlog zakona.

- Amandmani

### Član 151.

Prijedlog za izmjenu i dopunu prijedloga zakona podnosi se u obliku amandmana.

Pravo predlaganja amandmana ima svaki poslanik/zastupnik u Skupštini, svaki klub naroda, svaki klub poslanika/zastupnika, radna tijela Skupštine i Vlada.

### Član 152.

Amandman se podnosi pismeno, sa obrazloženjem.

Ako amandman sadrži odredbu kojom se angažuju finansijska sredstva, podnositac amandmana je dužan da ukaže na izvore ovih sredstava.

Amandman se podnosi predsjedavajućem Skupštine u roku koji ne može biti kraći od sedam dana od dana određenog za održavanje sjednice na kojoj će se pretresati prijedlog zakona.

Rok iz prethodnog stava primjenjuje se i na amandmane koje podnose klubovi naroda.

Podnositac prijedloga zakona može da podnosi amandmane do završetka pretresa prijedloga zakona.

Vlada može da podnose amandmane i na prijedlog zakona koji nije podnijela.



Na osnovu člana 18. tačka b) Ustava Kantona Sarajevo („Službene novine Kantona Sarajevo broj: 1/96, 2/96, 3/96, 16/97, 14/00, 14/01, 28/04 i 5/13), člana 117. Poslovnika Skupštine Kantona Sarajevo („Službene novine Kantona Sarajevo- Drugi novi prečišćeni tekst broj: 41/12, 15/13, 47/13 i 47/15), Skupština Kantona Sarajevo na sjednici održanoj dana 14.11.2016. godine donijela je:

**ODLUKU  
O DOPUNI POSLOVNIKA  
SKUPŠTINE KANTONA SARAJEVO**

**Član 1.**

U članu 139. Poslovnika dodaju se stavovi 3. i 4. koji glase:

„Ako Zakonodavno-pravna komisija Skupštine Kantona Sarajevo da mišljenje da nacrt zakona nije u skladu sa Ustavom Kantona i pravnim sistemom, Skupština će prethodno zauzeti stav o mišljenju Zakonodavno-pravne komisije“.

„Ukoliko Skupština podrži mišljenje Zakonodavno-pravne komisije iz prethodnog stava nacrt zakona će se smatrati odbijenim.“

**Član 2.**

Ova odluka stupa na snagu danom donošenja, a objavit će se u Službenim novinama Kantona Sarajevo.

Broj:01-05-32758/16  
14.11.2016. godine  
**S A R A J E V O**

**PREDSJEDATELJICA  
SKUPŠTINE KANTONA SARAJEVO**

Prof. Ana Babić

